


圖書

甲十四日十五四十六





漢書門			
九	一〇	七	三
冊	架	函	號
四	一	一	一

內閣文庫			
九	九	〇	七
冊	函	架	號
三	一	四	一

內閣文庫	
番號	漢 9073
冊數	40 (13)
函號	292 86

十三





閩書卷之四十四

文蒞志

淺草文庫

西外宗正司

崇寧三年置南外宗正司于南京西
外宗正司于西京各置敦宗院仍詔
各擇宗室之賢者一人為知宗掌外居宗室而
置教授以課其行藝又詔敦宗院宗子有文藝
行實眾所共知者許外宗正官考察以聞南渡
後南外移鎮江西外移揚州其後屢徙紹興三
年西外置於福州南外置於
泉州蓋隨其所寓而分轄之

丞一員

以福州簿一員以福州
通判兼簿一員以福州
簽判兼

一員


文武各一員後
省武臣一員宗學教授一員

知宗正司事

閩書

文蒞

庚



士樽子直士濂士衍士初

右紹興中任

子瀟

子瀟字清卿孝宗初以龍圖閣直學士知福州歲饑告糴勿郡平價濟民進龍圖閣學士移知泉州吏有掠民女為妾者其妻如悍殺而磔之妻之兄為興化椽以所磔肉置缶中寄兄解吏無從得屍獄久不決子瀟訪知密遣人取歸獄遂決

右隆興中任


子英士秀士程不敵

不敵商王元份之後居閩縣隆興中判漳州采漳文編為清漳集凡三十卷

右乾道中任

子濤公廩公迴

公迴字仲和紹興二十年進士調汀州戶曹隆興御極郡卒忿支賞緩羣譟譙門繫錄曹某羣犖之公迴諭眾曰貲與命孰重輕叛則誅耳於貲何有姑歸營出知錄錢於我乎取眾始定乃白守將梟首亂者十餘知邵武軍以留正薦召對知西外宗正事改南外攝州事為政簡潔人不敢干移西外陞直秘閣復轉



南外貴不治第托居盤龍僧舍晏如也年八十餘卒
伯邊

伯邊字致遠太祖七世孫居晉江舉進士知瑞金縣
以薦知南恩州蠲積逋乞減額丁米改德慶府立貢
闈修郡庠提點廣西刑獄移廣東轉運知漳州蠲鬻
鹽宿負出羨錢造浮橋知西外卒

右淳熙中任

不應

不應字子容居晉江補率府率積階刺史知南外宗
正事訓淑宗黨寬嚴中劑檢捉自其子弟始復知西

外奉祠終

右開禧中任

師耕

右淳祐中任

教授賢者附後

徐子石字勁仲臨川人簡易力學嘗聽象山講集義
義襲之說忽有省發登慶元五年第三主閩縣簿再調
鄂州錄叅講究邊防著外治論十三篇滿秩上之授
西外宗教授歷幹辦諸司審計乞外得澧州卒子石
生長貧困中視貨利將浼焉所居室壁間無非前輩

訓誡之辭

南外宗正司

知宗正司事一員

丞一員

以泉州通

判簿一員

以泉州簽判兼

主管睦宗院一員

宗學教

授一員

士樽士儂

士儂字立之郇康孝王仲御第四子居建安累遷權同知大宗正事康王卽位除光山軍節度使論黃潛善誤國出知南外宗正苗劉之變易服入杭以蠟書遺張浚趣其勤王復遺書呂頤浩勉其同濟國難事平加簡較少保除同知大宗正事歷加少師開府階

判大宗正事金人既歸河南陝西地命士儂謁陵寢特封齊安郡王以旌其勞尋權王奉濮王祠事岳飛被誣士儂以百口保無他檜諷言者論士儂交通蹤跡詭秘遂奪官萬俟卨復希旨連擊之謫居于建凡十二年卒年七十贈太傅追封循王進六子官長子不凡割股納蠟書告張浚以功轉兩官易文資從趙哲收復建州殺葉儂賜爵二級又太宗後有士崑者亦知名累遷右監門衛大將軍惠州防禦使卒贈建寧軍承宣使追封建安郡王

右建炎中任

令應仲弼士噉仲弼再任士諫士瑀

士瑀字公美濮安懿王曾孫也弱冠爲右監門衛大將軍貴州團練使從上皇北遷次洛州東與諸宗室議欲遁還據城謀未就而金人圍合皆散走士瑀乘驢西亡夜半盜斂驢去徒步疾趨遲明抵武安酒家語人曰我皇叔也因招募義兵以解洛圍旬日間得勝兵五千人歸附者數萬夜半薄城下力戰破圍勵將士死守敵解圍去遷知洛州仍兼防禦使紹興五年遷泉州觀察使再遷平海軍承宣使知南外宗正事時泉邸新建向學者少士瑀奏宗子善軫學藝卓

絕乞免文解由是人知激勸遷節度使未拜卒贈少師追封和義郡王淳熙中諡忠靖子不應見西外不慢見宗室

士劄子游

子游令應子也士劄以事去言官請擇廉正文臣代之遂以命子游南外宗官用文臣自子游始

右紹興中任

不猷

右隆興中任

士叅

士參善詩王十朋守泉與相好

士穆

右乾道中任

士歆士石不敵

見西

不流子濤公迴

見西

右淳熙中任

不邊公迴

再任

右紹熙中任

不艱不戒

右慶元中任

彦禔不應

見西

右嘉泰中任

伯櫛

右開禧中任

善踐不培

右嘉定中任

善輶鼓夫

右寶慶中任

汝固彦候

彦候嘉定間知安溪縣儒術飾治事安民安

右紹定中任

師蹇崇岳

右端平中任

汝恭師賑汝騰

汝騰字茂實不敵之孫寶慶二年進士歷官禮部尚書兼給事中兼修國史實錄院修撰入奏言前後奸諛之臣傷善害賢自取穹官要職何益陛下而深損聖德興利之臣移東就西自逐谿壑何益陛下而深戕國派則陛下私惠羣小之心可以息矣兼直學士院拜翰林學士兼知制誥兼侍讀辭歸故里累召力辭以龍圖閣學士知紹興府浙東安撫使召至闕以

端明殿學士提舉佑神觀兼翰林學士承旨知泉州後知建州兼南外宗正復提舉佑神觀兼侍讀兼翰林學士承旨汝騰平生一言不妄發一錢不妄取朝廷嘗賜田宅以旌廉景定二年卒遺表上特贈四官諡忠清世號庸齋先生

右嘉熙中任

師恕

師恕字子仁居長樂端平初以朝請大夫直煥章閣知靖江兵桂帥幕羅大經善嘗與大經遊栖霞洞賦詩謂大經曰觀山水如讀書隨其見趣之高下又曰

平生有三願一願識盡世間好人二願讀盡世間好書三願看盡世間好山水楊東山帥五羊病且成無衣衾適師恕餽絹數端東山曰賢者賜也遂受之師珂希循

希循字良叔臨江人從止堂彭公游慶元中舉進士嘗以漢書七論受知於真西山知南外宗正事兩月即召除直秘閣奉祠所著有會心錄

希袞

希袞知宗正建清源書院於新睦宗院長諭以宗姓克之教導以庶姓克之宗人皆從其教

與份鞏之

鞏之字子固知閩清縣有善政召為軍器監丞僉大理寺丞知南外宗正

右淳祐中任

吉甫

右宋末任

王管

張洵黃祖舜見福清縉紳

右建炎中任

李訖見晉江倚寓張洵梁季秘

開書

卷之四十四文蒞

八

陶春

右乾道淳熙中任

林行知

右嘉定中任

諸葛直清

見南安

年任無考

教授賢者附後

陳俊卿鄭汝諧李次辰紹興中任

見莆田

傳伯成嘉

定中任

見晉江

王邁端平中任

見仙遊

自趙宋徙南外西外宗正二司於閩中趙之諸

宗分籍閩中郡縣郡縣志悉載之顧其人既不

可謂之鄉賢亦不得謂之僑寓今依諸志所載

綴其世次附於二司之後而併紹興以前有游

宦閩中者皆列焉夫皆趙之宗室也

令諤

令衿

師楷

師璉

師慮

師善

希懌

希館

希佺

弟希佚

希澣

希灑

希溱

與琇

與權

與泌

與迥

已上宋太祖之後

令諤字君序繇永豐丞累遷福州運判兼提點刑獄

公事練達吏事有南閩十好之謚

令衿字表之博學能文號超然居士靖康初為軍器

少監言事忤旨奪官紹興中以都官員外郎召張浚

罷令衿請留浚言官論其阿大臣復罷久之除德安

府通判遷知泉州建堂合祀姜公輔秦系於九日山下郡民感其風化官至明州觀察使因觀秦檜家廟記文口誦君子之澤五世而斬之句檜聞怒責居汀州檜歿放還

師楷字清之居龍溪紹興四年進士授南安簿陞淮安丞授浙漕幹官有誣屬邑令者出身爲白洗改知湘潭以尚書徐應龍薦有旨召對論邊防募兵二事寧宗善之除提舉左帑改倅惠陽多異政守撫州秩滿除廣東市舶革無名和買之需遂爲計度轉運使攝帥事被召首陳正心之說除大府丞未幾除直秘閣知建寧府進秩直寶章閣出帥廣卒于官

師璉字德玉居晉江宋太祖八世孫舉進士知古田縣通判汀州上杭峒酋結連他峒爲變剋日發師璉廉知伏卒峒口俟其出一戰擒之知德慶府卒孫與鋼亦舉進士知揭陽縣

師愚秦王德芬之後居龍溪淳熙中爲漳州府錄事叅軍朱文公守郡美其履行深醇持仁明恕首_舉

師善字元之簿政和縣有梗化者數喻以大義衆咸悅服轉幹辦官

希懌字伯和系出燕懿王淳熙中第進士汝愚帥福

建希懌爲幹辦公事嘗言治人始脩身治政如理家
愛民如處昆弟取古人官著惠愛者緝爲一編曰是
吾師矣汝愚嘉薦于憲帥辛棄疾棄疾尚氣僚吏不
敢與可否希懌獨盡言無避屬邑侯官苦稅重每不
登額希懌稽核公帑羨錢足之棄疾亦薦其能歷昭
信軍節度使開府儀同三司致仕卒贈少保

希館字君錫舊名希喆登慶元二年進士改賜今名
少負父喪歸道遇寇左右駭散希館拊棺慟哭寇義
而去旣舉進士調汀州司戶峒寇李元礪方起汀人
震懼郡會僚佐議守城策希館下坐無一語守曰司

戶不言別有見乎希館曰守城非策也莫若悉精銳
拒之古城關守便付之古城關去城三十里希館至
分畫粗定得賊謀知得其情縱之令其舉火相示而
誤之以羸師夜半賊數百舉火啣枚至希館矢石俱
下無一免者引師還老稚羅拜相屬希館繇他邑避
之事聞詔升州推官治疑獄決滯訟攝下邑弭亂卒
去日軍民遮道泣送數十里仕終節度封信安郡公
希館學于陳傅良徐誼風姿凝重曾抱魁壘揚人善
不記人過惡人難忘人恩居官和寒盛暑未嘗謁
告衣食取足而已追封信安郡王

希佞字安道居龍溪開禧元年進士調古田尉獲盜懲其尤者餘多全活調丞沙縣以廉稱所至崇學禮賢為時推重子與併登進士第希佚

希佚字佚道寶慶二年進士調歸善尉謹儉廉恪卒官邑人感涕

希澗字無垢嘉定十三年進士遷至九卿景炎中任福建安撫使閩旱累得詔航京粟二十萬全活一路

希誨居閩縣紹定中令廣昌聽訟理財談笑整辦百廢俱舉民不知後

希溱字清甫居龍溪少名詞賦兼通周禮薦胄監入宗庠繇內舍試上舍皆入優等紹定己丑廷對乙科

調容州教授卒于官第希絅取應登第

與琇字器道永嘉人任建寧司理盡心推鞫多所平反時馬光祖以閩兼守號一代吏師僚幕擬筆一不當意輒斥詈塗竄獨以與琇為能

與權字悅道嘉定七年進士調建寧司戶叅軍中明法科攝浦城縣仕至少傅嘉熙間嘗月賜內帑辭不取理宗書安貧樂道直節秉心八字賜之卒追封奉化郡王累贈太師諡清敏與權嘗謂士大夫有貪聲剋務奇才與學徒以蠹國害民爾卒將治殮金帶猶

質錢民家

與泌秀于公族宛若常布寶祐間知仙遊縣作勸孝歌教民民有母子相競者出孝經涕授之皆改悔與迥字景臯淳祐中任建陽知縣廓大學舍崇嚴禮殿費不足益以月俸開設濂洛關閩及前賢祠以溯道章化於是講明師說廣淑邑士至其治邑究利病施劑砥抑豪右扶鰥寡為之二年岸有醴舟水無租麻凋瘵復甦廢墜畢舉

不泯 不慢 在善嵩 善俊 弟善恭 善佐 善悉

善沛 子汝鄂 善謚 善謚 善鄧 善綽 善昉

第善封 善珏 汝倣 從弟 汝愚 孫必愿 汝褒

汝述 汝造 汝讜 汝謫 崇萃 崇候

崇祉 崇珩 必晷 必晞 必漣 已上

宋太宗之後

不泯濮安懿王四世孫紹興中尉惠安以捕盜功知仙遊縣時縣凋弊不可為不泯思所更張之每去一弊籌之終夕或至累夕乃已坐是得疾疾甚欲求去民走郡乞留之不泯為縣不事追呼不費鞭杖縣事就治如蹶復張竟以至死或得其文移一篇不泯曰此直空言要之寬猛先後惟所用耳

不慢父士瑀見南外兄不慮見西外不慢居晉江授
率府率姿範魁岸進遐有常孝宗目爲宗表嘗副諸
葛廷瑞使金同其不屈還遷榮州刺史嘉泰辛酉京
城災逼其居不顧亟與兄弟奔衛太廟火幾半都城
而不慢居獨免進眉州奉禦使奉祠卒不慢能詩尤
長樂府姪善書終守英德府善嵩見下善夔終通判
潮州善芷終通判吉州皆佳公子也

善嵩嘉定中舉進士任連江知縣開南墘水利以溉
田縣人德之

屯田不可者三罷之則有三利焉習熟戰陣得歸行
伍從事教閱一利也無張官置吏坐糜稍食無買牛
散種以費官物二利也屯田之田悉皆膏腴牛具屋
廬無一不具以資歸正人使之安居三利也詔頗從
之第善榜善儀善侃善護善恭俱登科

善恭字作肅乾道八年進士歷知潯邵二州入爲大
理司直遷寺丞倉部郎中右司郎中除直煥章閣知
靖江府經畧廣西改知潭州安撫湖南移江陵府拜
司農少卿總領湖廣錢糧兼知鄂州權宣府司事加
司農卿其初在朝適開禧用兵力陳不可輕動至任

帥守惟以安邊靜民爲務

善佐字佐卿居邵武學于張南軒朱文公尤究易理始以宗室子試有司連中其科補承節郎改左承務郎將樂縣丞簽書武安庫判官廳公事差判鎮江府未赴改知泰州徙知常德府後知贛州爲郡奉法愛民不妄費公家一錢干請無所應遇旱禱祠賑貧必盡力節遊宴罷土木勸民莠麥漑水寬諸逋負捐市人酒課人甚便之常時州郡別以使臣掌牙兵善佐罷之歸其職於兵官責以嚴紀律謹訓練未幾營部肅然舉吏必先寒畯權貴諸囑皆置不問州人相率言其治行於使者善佐聞亟止之曰太守何德父老不見罪幸已其亟歸教子弟孝親弟長忍忿敦信以善比屋則賜太守甚厚其始至贛州時以書問朱文公爲政至官一一如文公言罷行之而猶舉其所未及至者文公聞甚喜踰年竟卒贛贛老稚扶携走哭府下退相與畫像祠之

善悉字壽卿淳熙二年令寧德律已廉而待人寬勸課農桑作興學校擢嘉禾太守

善沛字濟世父不稿擢進士官至朝奉郎善沛居崇安淳熙二年進士歷仕廉勤閑居杜門人罕識面終

南康守子汝鄂

汝鄂字大防開禧二年進士調廣州法曹遷淮西簡法虜入寇汝鄂奉檄餉軍足用薦改知臨武縣創倉修學授金陵酒所司書秩滿倅贛州峒賊擾亂司憲引汝鄂參謀招捕之及任轉餉後迄底平定除知韶州遇寇道卒事聞贈朝議大夫官一子

善謚字寧甫居晉江淳熙中進士知仁和縣治辯有聲除軍器監簿有厄之者改提轄權貨務得祠卒第善謚

善謚

廣東志作謚

以文稱與善謚俱省試第一嘉泰中知

循永二州勤恤民隱具有惠政

善郵居信州寶慶中知崇安縣事政體嚴明人號鐵面紹定初汀寇亂善郵應給軍需不擾而集

善綽不敵子也慶元中任漳州府司理參軍屬邑饑商殺人內有同名異姓者吏受賂故出入善綽訊反之力爭于郡不聽投印去守改從焉在漳三年惟與陳北溪淳往返遷武平令

善疇字文彬居龍溪慶元五年進士以連江丞攝邑事修常平興水利賑貧民調保昌有劫盜疑其非辜物色得真盜賊警設伏浚濠賊知有備退倅潮攝郡



捐官田贍學秩滿以朝散郎致仕第善封

善封字德可慶元二年進士宰寧德縣課農桑崇學校延靜退無華之士矜式諸生吏以催科引呈押輒斥去曰押一花字公家所入幾何民不勝擾矣乃具逋數立定限揭市門民感恩信課入以登邑鬻鹽計戶抑配亟罷之山中民煮竹爲楮苦於需索樽節爲代輸一時名卿交薦謂古循吏也尋倅端州正民業去產存之惠及守容州尤嘉意撫字校產籍以定後立保伍以戢盜廣右帥臣嘉其風力檄率藤梧等六郡兵討賊方就道已敗散大帥楊長孺嘗贈以詩有

清如玉壺冰澹若朱絃瑟之句

善珏嘉定中知光澤縣以風化爲先

汝倣字唐卿居晉江紹熙初與父善新第汝倣同第進士郡守表其里曰三秀善新爲封州倅汝倣通判德慶府築隄障晉康江亘三十里先是瀕江田素苦澇至是爲上腴知賓州築城屋覆之鑿七井城中以免江汲提舉廣東市舶遷提舉常平茶鹽第汝倣從弟汝倣子崇誥俱登第

汝倣字臺卿先以父任遜其季季天復與其兄子登嘉定四年登進士端平初除鬱林州陞辭言國家頻

年多厄乞謹德脩政以弭災召和將行改韶州以平
易爲政卒平生志尚清曠托居僧廬子崇齋崇彪崇
霏皆聯第

汝愚字子直居饒之餘干淳熙中知福州仁厚愷悌
持身潔白州西舊有湖漑民田數萬畝豪湮爲田遇
旱則西北一帶低田淪爲巨浸汝愚請復行開濬越
四載移四川制置紹熙初以敷文閣學士再知州事
踰年召知樞密院事孫必愿

必愿字立夫未弱冠丁大母憂哀毀骨立服闋以汝
愚遺表補承務郎開禧元年銓監平江府糧料院調
常熟丞嘉定七年舉進士知崇安縣剖決如流吏不
能困修學政立催科法以三等列戶名約以三期足
者旌之未足者徐趣之踰期者付里胥程督民感悅
輸將歲饑發光化社倉活之帥怒逮吏必愿曰芻牧
我也吏何罪束擔俟譴帥無以詰舊有均惠倉儲空
捐緡錢增糴至二千石力主義役法鄉選善士任以
推排入資買田助役則免有產之家有感化者出已
田以倡遂編行一邑臺府以聞下其式八郡四十八
縣秩滿民立祠刻石歷度支郎中兼右司郎中屢上
封事皆中機宜乞祠不許乃以華文閣直學士知泉

州罷白土課免差吏權鉄行義後講荒政淳祐五年
知福州兼福建安撫使行鄉飲酒禮旌廉退獎高年
裁僧寺實封數申明左翼軍節制事宜措置海道修
水戰教士卒居官四年累乞歸及命召又三辭皆不
許卒贈光祿大夫必愿才周器博心平量廣聞家庭
之訓而又得黃幹之學所立卓然可稱

汝褒字德華居晉江少有雋聲遊郡庠與里士較月
書率占上游登進士第仕以材稱終知施州從弟汝
音開禧元年鎖換進士通判靜江知鬱林卒

汝述字明可淳熙十一年進士調尉順昌應詔上封
事論議愷惻後爲刑部尚書立朝薦引多知名士

汝造通敏博學遇事剖決如流知沙縣有地曰巖前
山僻民獷盜時竊發汝造據險立寨置帑庾養兵防
禦之

汝讜字蹈中少倣儻有軼材智畧出人上葉適嘗過
其家汝讜年少衣短後衣不得避適勸之曰名門子
安可不學汝讜自是折節讀書與兄汝談齊名天下
稱爲二趙以祖遺恩補承務郎歷泉州市舶務監行
在右藏西庫韓侂胄謀逐趙汝愚汝讜兄弟昌言非
是且上言訟汝愚冤侂胄懼其詞直使其黨胡紘再

攻汝愚斥汝謹兄弟惑亂天聽坐廢十年後登嘉定元年進士爲大社令遷將作監簿大理司農丞與史彌遠不合請外改湖南提舉常平易江西尋提點刑獄徙湖南遷知溫州卒汝謹常言宗子不怠君孝子不辱身臨難則功業當如朱虛立身當如子政

汝域字

卿居縉雲縣以進士歷福州推官興化通判宦績可紀治家雍睦昆弟同居共財無間

汝謫嘉定中知漳州負詩律無對壘獨與教授敖陶孫倡酬待陶孫賓禮辟戶通學宮使其往來闢學舍復侵租以振士屬司理叅軍方杰重修郡志漳浦縣俗厚訟稀賦入饒羨舊有金名焉經總制錢元額歲止萬緡乾道庚寅令薛世清巧倍斂頓增至二萬二千緡以資二郡者論賞比三歲不敢虧則以聞之朝麗于籍來者病之旣力屈遂目之爲虧下錢於是剝皮及膚民力重困金價同土矣汝謫至惻奏革之歲得減錢五千七百餘緡邑士民翕然以爲合浦還珠僅見前史漳金如舊乃在今日恩雖聖朝賜實趙公除湖廣提舉

崇萃居閩縣嘉定元年進士知崇安愛民禮士專意學校捐俸買廢寺田以克學廩

崇候字信之居南豐嘉定四年進士爲福建轉運王
管文字臺有疑訟崇候行道中得其情詣部使者言
冤狀三進三否卒從吏議崇候大恨未幾檄擢南劍
郡事還不復仕清介竟晚節

崇祉嘉定中知延平寬平公直勤恤民隱興學勸士
親爲講說儒風振於東南

崇珪淳祐中爲漳州教授修清漳志申撥州學及書
院田

必暈字伯晞太宗十世孫居晉江補承務郎悵望中
原懷古賦詩慨然有祖述之志從益王至永嘉轉承

議郎貳趙吉甫南外宗正益王卽位于福州蒲壽庚
叛泉與州司馬田真子謀降元必暈逃邑之甕竈村
真子遣兵勒還草降表必暈持匕首自刺吉甫抱持
以免張世傑還兵圍城壽庚盡殺宗室縛必暈至錄
曹叅軍吳伯厚計出之遂居泉之東陵日與漁樵方
外斑荆燕坐不復問人間事諸生請講解經傳憂
不厭尤長於典禮以壽終有茹芝東陵等集傳世又
有必辭者長樂縣王簿宋亡不仕易名文孫不接流
俗專事訓誨有必晞者與傅定保爲友文章議論淵
懿浩博爲閩南碩儒

必漣字仲連居崇安少刻苦讀書開慶間以父澤當補官辭不受晚築室黃柏里自號山泉翁植梅數百株名其里曰梅庄與族弟若櫬徜徉觴咏其中尤精岐黃學病者多所全活有倚梅吟藁

公遠 公峴 公綢 彦驢 彦繩 彦勵

彦櫬 彦挺 彦彌 克夫 庚夫 以夫

偁夫 紡夫 遵夫 繹夫 時通 時煥

時鉞 弟時館 時賞 若禊 若恭 若櫬 已上

廣平郡王之後

公遠字仲及登隆興九年第善樂府

公峴字唐卿紹興中知順昌縣廉平寬明廷無留訟歲饑發粟賑貸有辛大者竊發為寇愬者踵至公峴陽叱愬妄密遣人擒捕盡獲其黨又禁民不得停喪貧者助之殯葬修學養士文風大起

公綢淳熙中以承議郎知漳州革弊安民州鹽故繇官鬻民不苦官鬻而苦戶均口率之苛公綢下令蠲去民得市錢挈榼就官市瀕海有戍始為盜設盜平尚戍檄罷之郡卒往諸邑督歲供率倚郡命患苦邑民公綢郵木示信自是民不見卒象入巖谷中蹂哺稼穡有捕得象者方喜害去而官又責象齒公綢令

斃象者齒自有之卽有以象齒獻者悉還焉州學門
庫隘廣以櫺星又作新儀門新十日有槐三莖生門
聖莖各七蒼翠經月郡士每歲與計偕率二十有一
擢第春官者不過三四自公綢廣學門之後父兄誨
子弟必重以毋愧趙公櫺星爲囑曉窓夜螢四達境
內遂釋褐以十人復聘郡教授李綸莆田翁元三山
許懋修纂郡志以成汝謫之舊

彦黜居龍溪淳熙二年進士歷知臨江軍好賢樂善
晚年小築湖亭自娛詩酒鄉貢士許葆光美之詩有
有官千里再分竹無地半畦堪種瓜之句子雋夫龍

川令窳夫登仕郎孫時 以遺澤任廣州司理

彦繩淳熙七年以宣教郎宰崇安葺治學宮未嘗費
民得廢寺田二百餘畝盡畀學士之貧者朱文公稱
之曰趙侯才高聽訟理財舉得其當官至江西憲廉

彦勵紹熙中知興化軍雨水傷稼樽節之錢代民輸
稅又奏蠲僧道免丁錢修郡學克學庫創橋梁立陔
門建坊表築衢路巷陌始若煩碎後皆便安又禮致
寓公編摩郡志自序綴首簡

彦櫛字文長乾道二年進士嘉泰間監登聞鼓時韓
侂胄方柄用朝士悉趨其門彦櫛獨切嘆惋累官福

建路運幹屬邑負振鹽本錢數十萬累歲不能償彥
櫛白其長蠲焉出知汀州民葉姓者嘯聚汀贛間遣
將捕戮之

彥挺嘉定中知上杭縣重新學舍增置學田

彥彌字仲高居龍溪寶慶二年進士調番禺尉歷古
康法曹翁源令嘉熙四年鄉郡大饑富人貴糴彥彌
捐私廩千餘斛日爲二粥以食餓者不足則糴繼之
自是富室競勸民免殍餒

克夫紹興中通判汀州撥田及寧化房賃贍州學劔
貢院減長汀月解奏省冗官取兩年州郡剩米補常
平之缺

庚夫字仲白居莆田舉進士不第以宗子取應得右
選不得志而歿其平生志業無所洩一寓於詩遇廣
座稠賓張宴命題諸人方嘖呻營度庚夫飛筆滿軸
神色自得也其詩旣多自刪取五百首裒藏之旣歿
劉克莊擇百篇爲山中集屬以夫序而傳焉今其可
見者如鶴食從妻給花窠課子鋤絕糧緣買研止酒
爲耽書佳句也子時願擢甲科仕至工部侍郎

以夫字用甫居長樂嘉定中正奏名歷知邵武軍端
平元年以朝請知漳州始下車鄰寇猝至諸道兵咸

會調度繁夥以夫應之裕如也生擒渠魁以獻時賞
勞吏士費以千萬民不加斂漳民苦丁錢以夫奏以
廢寺租代輸真德秀深嘉歎之上事于朝謂可爲分
符守土者法罷粥鹽議行募役法却報恩塔會凡所
施行各有理道嘉熙初爲樞密副都丞旨會日食以
夫奏曆家預言季冬朔日日食將旣夫日食自古有
之然日與金木水火四星俱纏于斗日食將旣則四
星俱見日中見斗此自古所無之異斗分屬吳禍福
有歸伏惟陛下側身脩行亟消弭之理宗爲減膳避
朝二年拜同知樞密院事淳祐初罷尋加資政殿學

士時國本未立以夫編類仁宗高宗兩朝定儲本末

及諸臣諫疏上之進吏部尚書兼侍讀詔與劉克莊

同纂修國史

志傳有趙虛齋者以夫號也

猶夫魏王德隆之後居晉江嘉定中以進士任漳州

司法叅軍營建廳署清源留元剛爲記稱其知識才

力明決敏給

紡夫居閩縣初尉建寧縣有才名後中法科歷大理
評事紹定己丑之變建寧爲盜區諸司復辟知縣事
節制往來兵馬單車入境撫摩制馭並得其宜繼合
諸路兵直入筋竹洞掃蕩賊巢邑境肅清勞來流離

重創公宇學校尋陞判邵武軍

遵夫紹定中知南劍州政專恤民以寬馭屬蠲逋租興學校節縮他費入學養士縉紳頌焉

繹夫字中任建寧縣尉嚴明愛民

時通字宜伯慶元二年進士嘉定間知邵武軍至郡首諭民毋縱酒尚氣毋挾兵刃令民五家一甲相覺察設藥局立濟貧庫置學田時按閱以勵兵士下車三月小大之政無不舉行卒于官

時煥字元晦居晉江舉進士授侯官尉有能聲再調長溪姦惡奔他境辟湖湘帥幕官一夕訛傳北兵至官民凶恟時煥處之如常除太常令累太常寺簿輪對首論崇公道次極君子小人之狀改禮部郎以攻史嵩之爲其黨所忌淳祐八年以朝散郎知撫州州馬步三軍甚悍煥準省劄節制迄去無譁者寶祐二年復以朝奉大夫提舉江西常平義倉茶鹽司命下軍民相慶除廣東運判官罷潮州覆稅之害戒飭汚吏聞者悚息卒于官

時鉞一名時洪字子禮居崇安少有文名嘉定十六年進士以長汀丞攝上杭令適汀寇千餘黨出沒有關麻胡者復誘賊首江汝雲等爲亂時鉞出奇捕獲

遂拜爲真葺完城壘復新治解徐清叟帥廣右辟倅
賓州賊黎夢符寇海道亮焰甚熾時鉞奉檄往攻捷
聞就除權發遣南寧軍事未幾卒特轉朝請郎仍官
其子弟時館

時館紹定中知泰寧撫治有方繼知寧化寇亂後修
學築城劬縣治及諸廨舍悉復舊觀歷知邵武軍

時賞字宗白景炎初知邵武軍議論慷慨善謀畫文
天祥開府南劍奏辟叅議軍事空坑之敗天祥遁去
獨其妻及二男二女見執時賞坐肩輿後追騎見其
風姿俊備問爲誰曰我姓文騎以爲天祥執以見帥
帥問之曰我姓文問輿人不知也問俘虜曰此趙通
判問再三稍移時而天祥去益遠及至隆興帥府罵
不絕口遂遇害

若禔景定中知古田縣忠厚精密賞罰必信卒官士
民哀思之

若恣字安行居樂清以門功歷武進丞浙西提刑司
幹有異政後舉進士復舉刑法銓當大理賈似道嫉
之出爲福建提刑簡法多平反趙崇機言於朝以大
理評事通判泉州元兵至臨安秀王辟主管機宜文
字守台州台城陷陰懷輿復未幾卒

若櫬字自本居崇安咸淳末登第入元不仕酷好吟咏有晚唐風致常徜徉武夷山水間遇會心輒留數日人以擬陶阮

元

福建行中書省

初稱行省後嫌外重改某處行中書省凡錢糧兵甲屯種漕運軍國

重事無不領之或置福州或置泉州或併入江西或併入江浙廢置不一又嘗改爲行尚書省

設官與行中書省同 平章政事二員 右丞左丞各一

員 叅知政事二員 簽省二員 幕官郎中

員外郎各二員 都事管勾照磨各一員 隨

省官屬簡較所簡較一員 理問所理問副理

問各一員 知事一員 提控案牘一員 都

鎮撫司都鎮撫一員 副都鎮撫一員 元以胡人主中

國多用蒙古人既非族類其中國人仕元而無表見者皆可畧也舊志併元將之攻陷我閩者悉列之宦蹟今俱削去第存其官制而錄其仕之有表見者而不得同唐宋之列名亦以嚴夷夏之辨云州縣皆倣此

平章政事

燕只吉臺徹理至正二十四年任平章政事令行禁止民便安之汀漳處盜積歲未平徹理身將戍兵申明約束毋蹂禾稼毋入民舍過柵不攻示以整暇晝則合圍山中夜則稅野偃旗什鼓賊或僞降覘其何

爲乃具酒肉飲食曉曰汝昔繇汗吏侵暴潛逃居此能棄險還耕桑則平民矣吾安忍被汝反名便加誅夷悉縱歸之他柵聞者相率以出其渠歐狗日浸南奔大兵隨之偷生鳴中其黨縛致于軍血鋒刃者纔是一馘自是方三千枹鼓不鳴卒贈徐國公謚忠肅史弼字君佐一名塔刺渾博野人通國語旅力絕人至元二十一年黃華反建寧又值霖雨米價湧貴弼時任浙西宣慰使卽發米十萬石以平價糶之而後聞于省省臣欲增其價弼曰不可失信寧輟俸足之益出十萬石建民賴不饑二十九年拜福建行中書

省平章政事

右丞

廉惠山海牙字光亮畏吾人至治初進士至正間以福建行省右丞鎮延平邵武境內謐寧歲餘奉詔還治總備禦事且督賦稅從海道供京師元人賴焉忙兀台蒙古達達兒氏宋二王航海世祖命兀台爲閩廣大都督行都元帥府事與江西右丞塔出會兵收降尋拜叅知政事元帥唆都在福建雖有平閩功顧其麾下擾民致南劍等路往往殺長吏叛詔忙兀台代之忙兀台至招來七十二寨建寧漳汀稍獲安

樂有旨仍鎮閩未幾轉右丞拜江淮行省平章政事
左丞

董文炳字彥明橐城人宋既亡文炳以中書左丞奉
詔討未下郡縣師既踰嶺漳泉建邵皆送款文炳悉
慰撫之惟興化汀未下方議招之或曰何以招爲偏
師壓之振落抑墜耳文炳曰興化不服獨陳叅政耳
民則何辜不忍須臾耶未幾汀來歸興化又不至乃
發兵討之閩人室家相保井里如故德之最深建生
祠祀焉陳叅政文龍也

李士瞻東安人爲福建行省左丞海酋據福州城攻
不下士瞻諭以禍福酋遂出降官至翰林承旨

叅知政事

焦德裕字寬父雄州人通左氏春秋驍勇善射世祖
時累立戰功而宅心仁恕不尚苛刻拜福建行省叅
知政事

郎中

虎都鐵木祿好讀書與學士大夫遊至元末爲福建
行省郎中延祐中大臣以浙東倭奴商舶貿易致亂
奏遣宣慰閩浙撫戢兵民海陸靜謐

栢帖穆爾蒙古人居官所至廉能著稱至正中累遷

福建行省左右司郎中

皇朝兵至福州栢帖

穆爾嘆曰戰守非我得爲引妻妾坐樓端慷慨謂曰
丈夫歿國婦人歿夫義也城且陷吾必歿若等從乎
皆泣曰敢不從縊而歿者六人餘一女十歲一男三
歲女度其不能自歿則給之曰可稽顙拜佛保我無
恙拜下挈囊米壓之出其金珠畀男乳媪曰宗不可
絕也爲我抱匿之旁近民舍有急用金珠贖之有頃
兵入城舉燈自燃四圍窓火大發遂焚歿

王翰字用文先世靈武人其先以軍功授千戶鎮廬
州翰習父官省憲共言其才除廬州路治中改福州
路適三魁賊起地險猝難用兵翰自造壘諭降之陞
同知又陞理問官綜理永福羅源二縣泉州土帥柳
莽跋扈連結旁郡邑民沟懼翰諭之悉解散擢福建
江西行省郎中陳友定以翰威望素著表受潮州總
管兼督循梅惠州元亡屏居永福山中十年

皇朝洪武中有上書薦之者命下翰嘆女可更適人
哉爲詩別友曰昔在潮陽我欲歿宗祀如綫我無子
彼時我歿作忠臣覆宗絕嗣良可恥今日徵書忽到
門丁男屋下三人存寸刃在手固不惜一歿了却君
親恩遂自引決翰工詩善書篆畫筆子偁見永福

縉紳

員外郎

張庸字存中溫州人性豪爽精太乙數以策干經畧使李國鳳授福建行省員外郎治兵於閩後擢秘書少監刑部尚書以不降賊被殺

都事

藍光字仲晦臨川人受業吳澄以辟薦累轉閩省照磨尋陞簡較綜理閩清邑事邑民懷之改行省都事時八郡騷擾陳叅政方事興復光總藩幕獨審審持正偶一言不合遂拂衣邊省憲交章薦其賢會

明兵下閩光歸隱居教授年九十九卒為人清淡寡

欲延接士類善詩文尤精考古制度

理問

吳公祖字景莊孟州人仕福建行省理問沉毅有才謂累遷建興汀福四路總管所至厚重見稱卒贈兵部尚書追封渤海郡侯諡正肅

福建平海行中書省

大德元年立徙治泉州

平章政事二員

右丞左丞各一員

叅知政事一員

簽省一

員 郎中二員

員外郎二員

都事管勾照

磨各一員

隨省官屬簡較所簡較一員

理

問所理問一員

都鎮撫司都鎮撫一員

平章政事

高興字功起蔡州人慷慨多大節元初置福建行省命興立行都元帥府於建寧鎮之平黃華高日新等叛亂遷浙東道宣慰使平處州福建及溫台海洋羣盜尋為紹興福建等處征蠻右副都元帥平漳州高安寨及陳吊眼諸盜改浙西宣慰使黃華復叛疾趨與福建軍合平之後以叅知政事行福建宣慰使事降漳州盜歐狗遷福建行省右丞以征爪哇功拜福建行省平章政事後拜左丞相卒諡武宣加封南陽王

福建道宣慰使司

掌軍民之務分道以總郡縣行省有政令則布于下郡縣有請

則達于省後與行中書省迭為廢置

宣慰使二員

同知一員

副使二省

幕官經歷一員

都事二員

照

磨兼架閣管勾一員

宣慰使

李恒字德卿元初為福建宣慰使尋轉江西文天祥復取汀州圍贛州尤急或言天祥墳墓在吉州者遣兵發之必下恒曰不名王師遂止

塔里赤康里人好讀書善射騎從丞相伯顏渡江領軍至福建所過秋毫無犯降者如歸以功遷福建招

討使時諸郡盜起而陳吊眼最威陷漳州行省承制命塔里赤為閩廣大都督征南都元帥總四省軍復漳州生擒吊眼誅之後改福建宣慰使

福建道宣慰使司都元帥府

宣慰司有邊陲軍旅之事則兼都元帥府

大德三年始置

宣慰使都元帥三員

副都元帥二員

僉都元帥事二員

同知副都元帥一員

副

使二員

幕官經歷二員

知事二員

照磨

兼架閣管勾一員

宣慰使都元帥

糊思監元統初任鹽法久壞思監廉利病罷行之

百家奴父曰唆都有平閩功百家奴亦以平閩廣功

為海外諸番宣慰使兼福建道市舶提舉守福建俄

兼福建道長司宣慰使都元帥是時福建多水災百

家奴出私錢市米以賑貧民全活甚眾

王都中

見福寧縉紳

陳端孫

見長溪弁

同知副都元帥

彭廷堅字元誠

一作舜臣

瑞安人至正四年進士初授沂

州同知以忤上官棄去十年起為崇安尹屬鉛山寇

周良犯閩關扞禦有法暇日重新縣學立胡文定公

書院嘗有蝦蟆仰鳴廳事前廷堅祝之出使人蹤之

便見死屍罪人斯得陞同知建寧路總管府事江西
寇熾率民兵克復建陽進平浦城攝都元帥府事與
邵武路總管吳按攤不花夾攻邵武寇追斬渠魁董
元帥鐵和尚董昌寇建寧墮建寧縣廷堅統建陽浦
城崇安三縣民兵往擊復之江浙行省檄節制建寧
邵武二郡諸軍事盜侵政和松溪江南行臺御史中
丞吳鐸督軍建寧檄廷堅至萬戶岳煥隸麾下縱卒
為暴廷堅繩以法煥懼使部卒詐為賊兵突入交鋒
眾皆潰廷堅獨留不去遂遇害故吏張梟等奉柩歸
崇安崇安民哀泣如喪父母立祠祭饗傍邑亦祠之

後行臺御史余觀行部獲害廷堅者斬其首上事於

朝贈中奉大夫福建宣慰使司都元帥封忠愍侯

陳君用 見漳浦弁

福建閩海道肅政廉訪司

職掌與臺察相表裏詢民瘼察冤滯糾劾諸不

職者與宋提點刑獄畧同至元十四年設福建廣東道二十年改福建提刑按察司閩海道二

十八年改按察司為肅政廉訪司轄八路按治帥府曹司軍民司屬兼照刷諸司文卷遲錯責

違慢廉訪使二員 長曰監司次曰大使監司守官吏 司次官每年九月分司次年

四月還司本路司副使二員 僉事四員 副使 僉事

分按與泉漳建延汀邵七路夏六月冬十二月

餘不係分按審囚幕官經歷一員 知事一員



照磨兼管勾一員

廉訪使

王惲字仲謀汲人爲閩海道提刑按察使黜貪汚不法官吏察寃滯繫囚決遣之戍兵舊寓民家創營屋居焉每謂閩郡縣連山距海治在得人請擇清望素著有文武才者爲行省官以鎮靜之焉

烏古孫澤字潤甫臨潢人唆都下福建竒澤辟爲元帥府提控案牘宋幼主入海張世傑攻泉州文天祥開府南劍閩中郡縣復從宋唆都拔興化怒其從陳瓚反覆下令屠城澤屢諫不聽乃說唆都曰張世傑

方攻泉州自固其植待我定興化乃往圖之彼植曰固莫若開其遺民使走泉南扇動之世傑且走是我

不戰而完泉州捷於吾兵之馳掾也唆都喜開南門縱民去得脫歿者甚衆世傑亦解泉州圍去福建既平詔以唆都爲行中書省叅知政事澤爲行省都事從朝京師元世祖嘉澤善謀命知興化軍繼改軍爲路授澤行總管府事民歌舞迎道曰吾復生父母也澤至下掩骸之令衣食流離民置慈幼曹撫育道傍棄兒子討惡少年之喜爲不義尤無良者郡民應陳瓚戰歿者吏援例籍其產澤曰國家至仁誅止陳瓚

鬪歿及無後者田廬貲產並給其族姻有司無所與
澤又興學校召長老及諸生講肄經義行鄉飲酒禮
旁郡聞而慕之興化人以澤與常袞方儀並肖像祠
學宮至大元年復來為廉訪使閩人安其宿德卒諡
正憲子良楨見延平判官


趙宏備字子英甘陵人後徙潁州延祐三年任廉訪
未幾以疾辭宏備用戰功致通顯居官所至發官廩
以活饑民延名儒以教後學他善政尤多卒諡貞
獻

答里麻一名馬高昌人泰定元年任廉訪朝廷遣宦官

伯顏催督綉段橫取民財宣政院判官木隣亦取賂
于富僧答里麻皆劾之遷廣西廉訪使

拜降字子謙至順元年任廉訪初閩有巨跡志在專
欲以計盡去同列民罹其害文宗聞之亟遣拜降蒞
閩以拯塗炭時拜降任平江府尹篆視甫旬日聞命
即行比至廉得巨跡狀聞於朝殛之梟剔奸穢撫摩
瘡痍閩人大悅尋遷使浙西

貢師泰字泰甫宣城人蚤歲遊京師入曹監吳草廬
趙松雪及虞揭諸公皆與游至正十五年為福建廉
訪未幾除禮部尚書二十年又除戶部尚書俾部閩
中以閩鹽易糧從海道轉運給京師凡得糧十萬石



朝廷賴焉師泰文學知名優於政事嘗爲監察御史元人斥南人不得居臺省居臺省自師泰始

莊嘉字子敬至正中爲閩海道廉訪使閩方多警嘉歷勦之歲饑殍殍載路救荒有法閩人家置香几每出羅拜以祝旣擢去像祀之

程鉅夫建昌人至正三十年繇侍御史授福建廉訪使興學明教士有才行者與爲禮至於正風俗恤民隱獎廉勤察貪殘表貞節尤加之意

副使

寶哥畏吾人至正初任廉潔有風力官吏畏威脩職

士民安樂

僉事

張孝思僉福建廉訪司事至元三十年按郡至興化廉直守法摧擊奸貪發庾活饑築堤遏海寬征均徭戢兵弭盜置養濟院望京門外官給廩餼以居養疲癃殘疾顛連無告之民

安禮護世字正卿汝南人以監察御史僉福建廉訪司事按尤溪時邑告訐盈庭案牒多僞護世入境頓更弊政勵學校訪耆英問民疾苦去害興利威惠所加民畏愛之

揭泐豐城人揭傒斯之子元末以廉訪僉事治建寧陳友諒兵寇杉關下邵武據延平建寧受圍大軍退保福州城中吏民相繼出奔惟經畧使曾顏不花尚在泐詰與謀經畧聞泐至迎曰僉事猶未行耶泐曰經畧何爲發此言今吾與經畧致死時也獨走安之乎經畧起問計泐爲畫策經畧曰當如君言吾志決矣部散卒得千人命建寧總管阮德柔將之出戰不利泐集衆告以禍旣語甚切至民感泣請各自效無老少悉乘城泐往來撫勞之分壯者千人助德柔戰屢捷勢稍張城外有山曰黃華高出城上泐恐寇見其虛實作層樓蔽之鍛鐵爲長鉤廣儲水樓下衆不知所爲及寇據山以火攻樓卽曳以長鉤水沃之復預濕薪枯藪城下寇穿隧入燎煙於隧熏死甚衆寇揚言攻城西泐察其旗亂而氣怠命備城東已果攻城東知有備驚駭退是時內外相持逾十旬樵蘇道絕民撤居爲炊經畧以問泐泐曰士氣在作且直壯曲老我王師也其曲在彼何憂不克乃槌牛釃酒鼓勞將士皆踴躍請戰空一城鼓譟助之寇數萬逆戰泐戎服出陣後督將士盡力俄矢石亂下或請少避叱曰破賊在今日敢言退者斬於是士卒殊死鬪自

寅至午焚其三柵乘勝奔之是日福州援兵繼至寇
 敗走復延平等三州獲勝兵千餘人咸欲繫獄論其
 叛逆罪泐曰大盜未殄可勝誅耶誅桀黠者數人餘
 縱之耕及諸將上功于朝泐不及叙或為泐冤泐曰
 職耳仕至刑部侍郎入
 皇朝以例召稱疾不
 仕

知事

范梈字亨父一字德機清江人繇翰林供奉改擢福
 建閩海道知事閩故有文繡局取良家子為繡工混
 雜無別梈作歌詩一篇述其弊廉訪使取以上聞遂
 得罷遣梈精古學砥名節與揭傒斯虞集楊載齊名
 所至興學教民雪理冤滯吳澄志其墓以東漢諸君
 子擬之

行御史臺

至正二十五年置先是置江南行御史
 臺于揚州尋徙杭州又徙江州又徙建
 康以監臨東南諸省統制各道憲司而總諸內
 臺至是御史大夫完者帖木兒奉福建文書北
 至南臺風信不便徑申內臺未委事情虛實宜
 於福建置分臺以達內臺為便從之

御史大夫

御史中丞

侍御史

治書侍御

史各一員

幕官經歷

都事

照磨

架閣

庫管勾

承發管勾兼獄丞各一員

察院監察御史十員

治書侍御史

韓準字公衡沛人登進士歷江西湖南道廉訪副使
江西行省叅知事行臺治事侍御史江浙行省左丞
改福建廉訪使復爲侍御史請老未報

皇朝

兵下閩準籍橐堂下以喪禮自處吏來追其宣勅準
取而枕之厲亦向吏曰此吾所受於君者必欲取之
并取吾首去吏不敢迫

朝制更新乃着帽終日

及病不服藥而卒準性端嚴在江西時陳友諒攻破
隆興來見準準疾面壁臥不荅旣去使人致糗亦却
不受平居端坐寡言笑然對賓客談論疊疊爲文簡

古不尚華構

使臣

野訥畏吾氏武宗時以侍御史兼將作院使閩有繡
工官大集民間子女居肆督責吏因爲奸利野訥奏
罷之閩人感悅尋兼大醫院使

齊履謙字伯恒泰定二年以太史院使奉使宣撫江
西福建黜罷貪污官吏四百餘人蠲免括地虛糧數
萬石州縣有以先賢子孫克房夫諸役者悉罷遣之
福建憲司職田每畝歲輸米三石民不勝苦履謙命
准令輸之繇是召怨及還京憲司果誣以他事未幾

誣履謙者皆坐事免履謙得直仍復官

漕使

郭朶兒皇慶中爲興化總管創萬金斗門引木蘭水
北注南洋田人謂非便朶兒曰南水直注其力大北
水橫注其力小且水道回遠餘波有限如遇橫溢亦
可爲壑不爲病也後擢本路漕使

閩書卷之四十五

文蒞志

皇朝

鎮守撫臣

洪武二年設

王恭濠州人尚

太祖公主洪武二年以爲福

建行省叅政臨行諭之曰福建從昔富庶元末困於
弊政朶剝尤甚民病未蘇汝往綏之毋恃親故國家
政令一本至公不能守法朕不敢縱汝其欽哉恭既
爲福州築城守先造一城於城北今名樣樓

周德興濠州人從一

太祖定天下有功封江夏

侯洪武十三年承制理福建軍務沿海邊城相風土形勢修築創建凡海上城池墩寨及衛所軍士調配與孤嶼人民之當內徙者皆德興經畫之

右洪武中任

夏原吉字維詰湘陰人建文中以戶部侍郎克採訪使巡撫福建公明寬大楊文敏榮為諸生原吉一見奇以解首郡有明月樓多妖宿者頗成原吉徑往居之其妖遂息因修元達魯花赤迭里彌實之墓於漳祀王伯顏與其子相子婦於福寧以表忠孝仕至戶部尚書贈太師諡忠靖

右建文中任

楊勉江寧人永樂甲申進士改庶吉士授刑部主事以博洽能文脩編五經四書大全及性理全書累陞刑部右侍郎十九年巡視福建考案官吏安撫軍民事竣還京終廣東右叅政

右永樂中任

焦宏字克明葉人正統六年以戶部右侍郎鎮守福建浙江蘇松政令一新寇不為害九年閩中復開銀場命宏來視宏視課重者請減之民以稍舒

薛希璉字廷噐麗水人正統十二年以刑部侍郎受

命鎮守時當鄧茂七作亂之後希璉撫輯人民以蘇凋敝既殘寇羅丕復起請調兵討之親總軍務晝夜籌度遣人抵壘諭之恩威降者萬計有逃入海者聞之亦自縛來詣悉縱舍之其負固不服者擒斬殆盡以功陞本部尚書

右正統中任

費釗正統十四年以崇信伯奉命討賊景泰元年勅留鎮守

范雄正統十四年以都督僉事奉命討賊景泰元年勅留鎮守

孫原貞德興人景泰間以兵部右侍郎鎮守寬而有制廉而有爲陞兵部尚書

劉廣衡萬安人坦厚通敏有能詩稱自永樂甲辰進士歷官副都御史景泰六年福浙鄭懷冒王孝心等作亂奉勅捕之至則賊已就擒廣衡察其嚙聚之故以出有銀場連亘深僻賊得潛伏其中卽伐木通道奏設壽寧縣治以便巡視已所獲賊屬守臣俱論其叛逆報功廣衡覈首惡十餘人餘悉縱之事還賜白金綵幣甚厚官終刑部尚書子喬喬子玉並見副使

右景泰中任

勝昭字子明汝州人正統中鄉舉授監察御史巡視
 福建上杭清流境有地曰紫雲臺鄧茂七之黨嘗據
 爲亂昭相其要害奏立歸化縣治成化初以都御史
 巡撫風裁益峻吏民畏服一時山賊海寇悉賴勦平
 遷兵部左侍郎鎮守福建如舊

張瑄字廷璽江浦人成化壬辰以右副都御史巡撫
 下郡縣建倉廩勸富民出粟備荒沿海官軍先因事
 減支俸糧三十餘年遂以爲例瑄仍舊支給閩安鎮
 出海有二港勝國時用鐵索橫絕港口以禦寇歲久
 廢沒請復之又令小港如大港之制山海寇林壽六
 魏懷三等攻劫鎮城歲久不獲瑄盡擒之福安壽寧
 等縣地隣江浙強賊羣聚瑄擒其首葉旺葉春餘黨
 盡散鎮守太監盧勝暴橫瑄以聞勝坐革去南京刑
 部尚書終官

高明字上達貴溪人累官南京右僉都御史以親老
 致仕成化十四年汀上杭草寇竊發廷議卽家起之
 明聞命惛然就道未至寇已平乃躬詣其地招流亡
 撫瘡痍奏立永定縣控制之事竣復賜勅留巡撫遂
 引疾不俟命歸賜致仕

王繼字述之祥符人成化丙辰進士以山西按察使

改除福建振肅憲度後進山西右方伯抵任甫三日
卽拜都察院右副都御史翦汀漳巨寇寇平黜貪去
暴獎賢愛士入爲戶部尚書

右成化中任

鎮守太監附

太監鎮守始於正統嘉靖初悉
召還萬曆二十七年礦稅初興

神廟慮有司不承明旨特遣太監四出其後率暴
橫害民或召還或罷而獨太監高家在閩
中最久家素抑勒行戶不予價直福州民
圍家府火其外門家射火箭自府中出焚
民居無算所殺傷百十人請救都御史袁
一驥不應遂策馬挾奴刀直入都御史臺
鈴閣方靜人馬退散家手劫都御史步行
市中窘之會諸公解救事聞罷家召還繫
治之礦稅太監遂革
是爲萬曆四十二年

廖秀正統十四年以太監奉命監軍討賊景泰元

年勅留鎮守復征沙縣

戴細保景泰初以尚寶監丞鎮守

來住正統末以內使提督市舶陞長隨奉御景泰

四年協同監丞戴細保鎮守五年細保還朝就留

鎮守

馮襲天順二年以都知監少監鎮守

吳昱成化二年以都知監太監鎮守

盧勝成化五年以御用監太監鎮守爲副都御史

張瑄劾罷

陳道成化十六年以御用監太監鎮守

鄧原弘治中以太監鎮守江西愛恤小民勸率州

縣長吏小吏有非法酷虐者輒以其刑刑之嘗過

郡邑學官諸生請謁文廟辭不往曰我等名教罪

人何面目見先聖哉久之移任福建民遮道乞留

河南宣府撫按各奏鎮守太監藍忠鎮守宣府太

監劉清潔已愛民宜賜勅獎勵下兵部議可并言

福建太監鄧原浙江太監麥秀二人為輿論所與

請亦勅旌仍遍諭他鎮使知感發從之

有所遣內官亦時時問曰得如鄧原麥秀者否正

德初疏求謝事福建軍民羣赴巡按御史懇乞奏

留御史以聞時羣小用事夤求出鎮竟擠而代之

既至需求四出民益思原焉

梁裕正德元年鎮守

崔安正德八年以太監鎮守

尚春正德八年以太監督船

提督南贛汀漳撫臣弘治十年閩廣湖湘間多盜設巡撫轄江西南安贛州建

昌福建汀州廣東潮州南雄湖廣郴州四省駐劄贛州尋除建昌增隸韶州漳州二府正德十

一年改巡撫為提督軍務嘉靖四十五年以福建廣東並有專設巡撫令惠潮二府還隸廣東

漳州一府還隸福建南贛巡撫但轄南安贛州南雄韶州汀州并郴州地方既非專轄地紀其

著者

周南

南字文化縉雲人成化戊戌進士歷都察院右副都御史巡撫大同忤劉瑾歸正德辛未江閩廣三省交界山谷大帽山等寨賊首張番壇李四仔鍾聰劉隆黃鏞等聚徒數千流劫鄉村攻陷建寧寧化石城萬安諸縣支解平民提虜官吏僭號稱王福建鎮巡等官奏乞征勦勅南以原職來撫四省邊徼相機剿捕正德壬申正月甲子合江西兵從安遠入攻破其寨穴七擒斬賊首何積欽羅得清黃璘并其從若干人廣東兵從程鄉入攻破其巢穴九擒賊首李四仔張番壇黃鏞張玉瓚黃樞保併其從若干人福建兵從武平入攻破其巢穴八擒斬賊首謝得珠劉隆鍾章并其從若干人九擒斬首從七千有奇俘獲賊屬千八百有奇奪回良善百四十有奇贓仗千一百有奇奏上各頒賞有差九年甲戌擢總督兩廣軍務

王守仁

守仁字伯安餘姚人弘治己未進士授刑部主事改兵部正德初給事中戴銑等坐論劉瑾下獄守仁上疏乞宥瑾怒矯詔廷杖五十謫貴州龍場驛丞後歷

陞南京鴻臚寺卿尋陞都察院左僉都御史撫鎮南
贛汀漳等處賊首詹師富等峙居可塘洞山寨聚糧
守險勢甚強固守仁分兵五路攻擊追襲與賊連戰
又令兵備僉事顧應祥等委官統領軍兵會同福建
剋期追剿揚言班師出其不意從牛皮石嶺脚隘等
處分爲三哨鼓噪並進賊膽顧不暇望風瓦解俘獲
四千餘人時寧庶人宸濠將爲變中外洶懼兵部尚
書王瓊知守仁可任爲請改督南贛汀漳等處軍務
賜勅書旗牌便宜行事而語人曰我寘王某於南贛
與之便宜行事不但爲溪洞諸賊而已固將以待他
變會福建有軍人進貴等惑衆謀叛瓊復爲守仁請
入閩處置叅奏守仁至中途宸濠難發遂取道擒之
論功兼南兵部尚書叅贊機務封新建伯卒謚文成
守仁倡明道學以良知立說從祀孔子廟庭

潘希曾

希曾字仲曾金華人弘治壬戌進士改庶吉士擢兵
科給事中嘉靖四年陞都察院右副都御史提督南
贛汀漳等處軍務以威信馭招撫親民有功者賞之
以示之信勸惠州寇賴貴泃頭遺賊曾蛇仔皆有功
報功者多以歸人俘獲希曾於稍涉疑似者卽不以

報

陶諧

諧字世和會稽人弘治丙辰進士自翰林庶吉士歷右副都御史提督南贛汀漳等處軍務兼理巡撫條上數事曰重守令專分守寬農民懲貪吏行之及期厥有成績進兵部侍郎兼原職

朱統見巡視張紳

紳字子儀柳州人嘉靖癸丑進士授刑部主事與給事中吳時來同官董傳策論劾分宜相嵩下獄謫戍隆慶初召復銓部累轉右僉都御史巡撫南贛汀韶督軍事撫流民遏崑寇功在兩廣間終刑部侍郎

巡視撫臣

嘉靖二十六年以海警命都御史巡撫浙江兼管福建福建興寧漳泉海道地

方提督軍務二十七年改巡撫為巡視三十一
年復遣僉都御史提督軍務巡視浙江兼管福
興泉漳地方三十三年倭亂特命尚書提督浙
江福建南直隸軍務又專設都御史提督軍務
巡撫浙江兼福興泉漳地方其提督三省者改
總督三十五年復以閩浙道遠專設提督軍務
兼巡視福興泉漳福寧海道都御史仍聽總督
節制三十六年以倭連歲寇東南置鎮守設提
督軍務兼巡撫福建地方都察院都
御史駐福州統轄全省遂為定員

朱統

統字子純長洲人正德辛巳進士嘉靖二十五年以都察院右副都御史奉勅巡撫南贛汀漳時海寇猖

文蒞

文蒞

文蒞

蔡山

倅巡按浙江御史陳九德請置大臣兼巡撫浙福海道改統克其官統至嚴禁泛海通番勾連王藏之徒凡雙檣餘皇一切毀之及入漳州平同安山寇以忌者陰中嗾御史周寬給事中葉鏜奏請改爲巡視既而漳囚逸入于海大擔嶼與步門大江諸警驛騷純規畫無敗績督兵追賊下溫盤南麂諸洋大破之後又從溫州進駐福寧擒佛郎名王及黑白諸番喇噠諸賊甚衆閩浙悉定先後以聞其後陳九德疏論純專殺濫及無辜法司覆請遣官會勘世宗從

之遂革純職命兵科給事中杜汝楨按問汝楨及御史陳宗夔勘上前賊乃滿喇伽國番人每歲私招沿海無賴之徒往來販鬻未嘗有僭逆流劫之事二十七年復至漳州月港浯澳等處各地方官當其入港既不能羈留人貨疏聞廟堂反受其私賂縱容停消使內國奸徒交通無忌及事機彰露乃始狼狽追逐以致各番拒捕殺人有傷國體及諸賊已擒又不分番民首從擅自行誅誠有如九德所言者統既身負大罪反騰疏告捷而海道副使柯喬都指揮僉事盧鏜復相與佐成之法當首論兵部三法司再覆如汝楨言統鏜喬遂得罪統爲人精廉勇任開府閩浙有

濫定功雖張皇太過然勘官務入其罪功過未明竟
憂恐仰藥公論惜之

王忬

忬字民應嘉靖二十年進士以僉都御史經畧通州
復巡撫山東值倭寇大入浙之台郡而閩中時亦有
警廷推忬以原官提督軍務巡視浙江兼管福興泉
漳地方亡何改巡視爲巡撫忬請得用便宜行事南
會二廣北會江左諸鎮犄角應援而是時俞參將大
猷湯叅將克寬俱武勇饒材畧忬虛已任之都指揮
盧鏜坐前都御史尹鳳事以賊累俱繫獄忬並奏釋
爲別將忬在浙閩可二歲凡十餘捷所得沿海大猾
爲倭內王者擊之覆其家城海上縣曰長樂曰福清
曰惠安後仕總督薊遼保定都御史以虜入邊下獄

論夙

胡宗憲

宗憲字汝貞績溪人嘉靖戊戌進士甲寅歲以御史
按浙用武畧見推超拜僉都御史提督軍務兼巡撫
浙福晉總督與巡撫阮鶚諸道兵勦徐海于平湖之
沈家庄又遣辯士說王直來降斬于市閩浙悉定累
進少保兼太子太保兵部尚書右都御史官一子錦

胡宗憲

卷之四十五

文苑

十一

蔡戊

閩書 卷之四十五 三百六十九
壺井山下手射二酋賊駭潰遁去以病免倭復至閩人思之

游震得

倭之入寇也興化府政和壽寧福安寧德等縣皆被陷沒論者咎震得懦縮不支

譚綸

綸字子理宜黃人嘉靖甲辰進士以浙江叅政丁艱家居廣賊流劫江西起復勦平之改福建叅政乞終制亡何倭陷興化又起復綸以僉都御史巡撫本省綸至以精兵千人自隨斬倡亂衛卒責諸將必滅賊先後與都督戚繼光破倭境上復遣偏帥擊古田諸山寇悉平之凡俘斬二千二百有奇獲被虜三千餘人衛所印一十五章悉以功歸前督府王詢是時詢方獲罪得藉以釋晉副都御史復擒滅神前灣玻璃嶺諸孽及龍巖楊一蘇阿普藍松山等閩中賊悉平得請補制後以薊遼功陞右都御史兵部尚書卒贈太子太保諡襄敏

汪道昆

道昆字伯玉歙人嘉靖二十六年進士束髮修古文辭登嘉靖丁未進士初試令歷兵部郎為閩藩臬使以兵事乘間當司馬指出佐中丞視閩師復上差功次踰中丞旋進中丞道昆入閩汗衣蓐食五年于外

其畫軍事首議餉次議兵三議責成四議事任宿將如俞大猷戚繼光湯克寬輩皆專倚而推轂之轅門士伍待以殊恩咸感激爭奮遂破吳平夷龍頭寨殲楊一蘇阿普餘黨而倭酋以次授首官終兵部左侍郎

塗澤民

右嘉靖中任

何寬

寬字汝肅臨海人嘉靖庚戌進士授南刑曹鑽究律例決曹事先自盟其心不使有偏重歷成都守廣右督學以副都御史撫閩舊例賦入之外丁取錢四糧取錢八以供軍至寬始蠲其十之六營寨兵士將領必用丁壯叙勞乃遷屬吏以贓濫聞者劾去之風裁清嚴聲望焯著爲大理卿累南吏部尚書

殷從儉

從儉字汝中臨桂人嘉靖甲辰進士陳乞學職領廣州教授累陞廣東僉事引疾歸用薦起福建僉事歷叅議副使叅政南太僕少卿提督南贛轉巡撫閩中在閩歲餘值倭寇初殄之後一以休息爲事方倭至時籍民丁田爲戍餉名曰丁四糧六每易一撫臣輒

增分數卽歲祲必取盈從儉悉復原制省冗費汰虛
兵肅吏治居官不以孥自隨衣不文采食不兼肉甫
以內臺簡召疾三日卒有司省其橐月俸數十而已
士民里號巷哭卽樵夫賈豎爭獻一楮致轅門下復
像祠之西湖之上

右逢慶中任

劉堯誨

堯誨字君納衡州人嘉靖癸丑進士授新喻令擢南
給事中累僉都御史巡撫閩中寇林鳳劫掠濱海郡
邑堯誨設方畧合番漢兵攻之遂有東番魁港呂宋
國玳瑁港二捷策南灣一島介漳潮間賊往往憑之
爲患奏設總兵居守復奏留鹽筴銀數萬備軍前之
需於是庫有餘錢倉有餘賸晉副都御史致仕歸後
歷南兵部尚書堯誨神情凝默語不當機不輕出與
人交貌疎意真久而益篤其言曰學貴純一一累情
欲便墮陰界

龐尚鵬

尚鵬字少南南海人嘉靖癸丑進士以僉都御史起
督福建軍務始殷從儉撫閩卒而閩人歌且思顧第
能減騶從節宴樂而已至尚鵬則孜孜求民利便而

張弛之雖吏民軍師士卒之長莫不得告言而色受
虛察罷不急省無經軍儲既節民財既均乃請于朝
蠲八郡五十邑逋徵凡二十餘萬計舟航之費商賈
之征鑄冶之利寺觀之科舊供軍旅悉哀予民歲亦
不下萬計其所行一條鞭法賦額易知雖下戶里民
曉然輸納之數踰年擢左副都御史協理院事去之
日深山窮谷扶老携幼願一見顏色臨發問閭編戶
設几焚香拜送不絕坐江陵相奪情起復論相者俱
得罪尚鵬移書申救相不懌亡何報最科臣迎合相
意以簿書年月小誤叅之回籍聽用居四年卒尚鵬
忠介慷慨足當大事立朝知有法紀不顧利害當官
知恤民艱不避讒疑海內縉紳倚重焉

劉思問

思問字汝知河南人嘉靖三十五年進士先是承平
日久田畝坍塌崩里胥飛洒諸縣浮糧難以數計思問
奏請行清丈法雖縣令被姦猾舞文者有之然浮糧
之弊亦蘇歷南戶部尚書

耿定向

定向字在倫麻城人嘉靖三十五年進士以講學名
於時既來撫閩以教先政哀然名一時官終戶部尚

書

勞堪

德化人嘉靖三十五年進士希附柄臣錄本省布政使陞巡撫都御史泉州洪朝選以戶部侍郎

郎忤柄臣意坐廢家居柄臣尚未釋憾堪羅織朝選罪詒致于獄擠而殺之柄臣死朝選子競訟冤堪坐

謫趙可懷沈人种賈待問

待問字學叔威縣人隆慶二年進士歷本省巡撫保

釐鎮壓綽有威名終兵部尚書

周案

案安福人嘉靖四十一年進士鎮閩清正有長者稱

終吏部侍郎

趙參魯

參魯字宗傳鄞人隆慶五年進士自庶吉士改給事

中以言事謫高安典史後稍遷僉事督閩學時學使

阿執政意操士如束濕務在汰多而錄少參魯一切

寬行之其甲乙多奇中後來為巡撫行鄉約保甲法

閩境少盜寧德之支提寺故盜藪也僧大千請內降

藏經將聚徒其間過三山參魯留勿遣姦商黃錦輩

闌通諸夷開島興界參魯捕置重辟躬行海上蒐軍

實嚴海禁疆事大飭終南刑部尚書

張汝濟許孚遠

孚遠字古中德清人嘉靖四十一年進士文章氣節

屹立一時締武經文常有餘暇時與縉紳人士講明
聖賢道學之旨一以真脩實地為宗酌明儒之寬而
祛其通師宋儒之嚴而化其拘閩人士聽其教言灑
然有不安舊習而興起前脩之意兵部侍郎終官

沈桐金學曾朱運昌

運昌滇人萬曆五年進士自本省布政陞任鎮重方
正方銳意任事而遽卒官

王恩民徐學聚

學聚蘭谿人萬曆八年進士自給事中歷任時連年
饑早學聚給引招商聽其興販於是商賈轉運鱗集

江于雖饑不害民大受賜

陳子貞

子貞南昌人以進士歷監察御史按閩有聲歷巡撫
福建視師海上脩明前撫趙叅督之政卒于官

丁繼嗣

繼嗣鄞人萬曆進士為左布使給士卒餉皆郡邑所
上故封未嘗發比開府選用材官不私一人倭躪中
山欲藉窺閩一日中山使以貢至繼嗣曰中山新破
何暇脩歲事且非期人倍數所挾多異物受之將墮
計拒却之亡何其使繼至蓋三歲三貢矣繼嗣諭使

歸俟貢期入進不必再齎物倭謀遂寢其後以大計不糾監司被言繼嗣曰監司自賢又何糾也致歸政

袁一驥

一驥江陰人萬曆進士先為左轄稅使高案不戢力制之矣及建節捕治其爪牙真之法會粵璫歿

神廟使案兼粵稅案徵集百貨將入粵與諸商市其所徵貨又不與市直以有三山之鬧語在鎮守太

監中案直來窘一驥一驥聲色俱厲會諸公至以大義責案而一驥歸署急走足聞天子召案

歸使一驥復撫閩一驥竟歸閩頌撤璫之功建祠焉

黃承玄王士昌

右萬曆中任

巡撫監察御史

洪武六年遣監察御史及按察司分巡官巡歷各府州縣十四年設福建監察御史賜印篆文曰繩愆糾謬正統四年定御史專行巡歷按察司官聽其舉劾

陳述蔡得正

得正以通經秀才任永蘗自厲摘伏鋤奸常曰張綱埋輪彼何人也

陳智

智字孟機咸寧人永樂進士擢監察御史歷巡京畿復巡福建御下嚴刻而所守無議終左都御史

國朝書

卷之四十五 文苑

七

林長

周新

新字志新南海人舊名志新洪武三十二年舉人初授大理寺評事擢監察御史彈劾敢言貴近畏之日為冷面寒鐵公永樂元年巡按福建興利除害雪冤如神

國初武將驕橫侵凌府縣新奏朝廷設立軍民諸司兩非統屬請自今府衛相見等禮途遇則分道而行卽有公事不許徑下府縣毋得責辱有司官吏詔書一至雖邊衛亦從藩司遣齋都司無與焉

上悉從之其後以浙江按察使進表京師捕錦衣千戶於涿為錦衣指揮紀綱所誣論死新清德不但冠絕嶺南可表當代

蔣彥祿魏清何器况必安歐彥貴李素李仲芳周宗

範李彬李旭贛人以國子生釋褐按閩歷湖廣布政使貪婪無厭積至鉅富屢以厚賂獲高

擢士論黃員相賈旭陸和孟亨張致屈伸趙昇自永樂年

任至十七年邵玘

玘字以先蘭谿人永樂十六年進士授監察御史巡

按江西廣東福建克振風裁時 仁宗監國尤

所簡知刑部都察院大理寺間闕堂上官恒命玘署有重獄數付玘玘感知遇夙夜盡心一時老成多推讓之陞江西按察使在官五載政用肅然丁內艱去

服闕改福建治職如江西而稍濟以寬大宣德二年
召為南京都察院左副都御史

趙文劉愷張顯鄭璘周遠陳恕劉璉王綱

綱字存紀上高人永樂七年進士以御史巡按福建

廣西河南官終山西左布政使端方剛介所至有聲

饒禮楊淵張敬王昌鄭辰

辰字文樞西安人永樂四年進士授監察御史一力

自隨室中蕭然無長物二十一年秋諸蕃寓福建有

暴悍殺人者事聞上意其叵測命出按之給

衛卒五百備使令及至察無他坐首惡而釋其餘終

兵部侍郎

曹習古鄒傑姚堅陳紹夔

右永樂中任

王璉

璉字仲瓚新建人永樂十六年進士巡按福建密奏

中使取花鳥者恣肆貪虐宣廟嘉之命即誅

中使閩部悚然

王寶張鐸

鐸字振文清江人永樂十九年進士巡按閩中宣德

初督銀場於寧德時年方二十有四作新學校禮重

師儒凡齋廡祭器之屬無不修治考試諸生優其獎賞政暇與士大夫觴咏往來年少有爲閩人頌之

范宗淵方端楊政陳祚

祚字永錫吳縣人永樂九年進士改度吉士擢河南右叅議以數言事謫田均州宣德初擢御史勸

上讀大學衍義

上大怒曰噍蠻子朕不讀

大學衍義堪作皇帝耶復下獄闔門十六口皆逮繫

英宗卽位得復官激厲言路貴幸爲之歛跡

出巡福建糾貪黜庸自方岳而下不少假借福建上縣苦上官和買破產不足供祚廉知禁止民大稱快

後用薦擢福建按察僉事閩人稔祚相戒毋犯乃公

法祚痛絕諸軍衛之厲民者分巡興化漳州諸郡郡

多神祠爲考其建置之繇除毀其不合祀典與非古

節義繫名教者民室違制亦盡隳撤廟學壇宇載秩

有文則出官帑爲之一新聞人至稱爲都料匠寇起

沙尤諸郡騷然祚時移疾不出刑部侍郎薛希璉巡

撫閩中強起之祚爲力疾平寇寇平辭曰祚蚤涉仕

途雖庸陋無補苟有所見不敢不盡今老矣無能爲

遂乞致仕

包懷德

懷德名珣以字行蘭谿人永樂丁酉舉人授監察御史直言正色巡按福建廉公明恕吏畏民懷後為河南按察使以吏部會舉天下官員獨懷德與會事薛瑄二人被召乘傳詣京歷刑部侍郎後謫戍

按懷德與薛文

清並召實錄所載而實錄又載懷德為侍郎時閉其妾及義女數人於一室累杖之一夕自縊成者三為偵事者所發收同閉諸婦下錦衣衛鞫之言懷德初任河南按察使時數與諸王通饋遺諸婦時時竊議其非懷德恐語泄拘閉之三人者怨忿故縊成於是六科十三道交劾之獄具當為民英宗怒命克威違衛軍夫一懷德也始何錚錚終何沒沒也

黃振金敬鄭顒

顒字仕昂錢塘人宣德四年鄉薦教諭樂安有拒賊

功用揚文貞薦擢御史按部京畿聲譽歛起迨按福建諸郡風紀尤振歷左僉都御史著績滇中天順改元調本省按察副使銳意有為按部建寧卒

右宣德中任

趙奎

奎按歷諸郡刑政詳明吏民畏服嘗提督官兵擒獲強盜五百餘人

周銓郝敬計澄

澄字本清浮梁人永樂二十二年進士歷永康商河二縣用薦為監察御史巡按福建復巡浙江山東等

處剛方有為所至著聲績終湖廣按察使

軒輓

輓字惟行鹿邑人永樂二十二年進士正統中巡按福建摘發如神所至山岳動搖豪猾屏息陞浙江按察使居九年著一青布袍蔬食糲飯或日啖燒餅一枚以清德聞天下

丁俊

俊字秉存豐城人宣德二年進士巡按福建食惟豆腐人稱豆腐御史以剛直忤權貴謫嚴州河南二府推官

姚璧巡按時奏福建濱海衛所倉廩舊隸武職恃其

豪橫欺弊多端乞改隸州縣有司仍於各府縣置通

判縣丞一員提收支

朝廷從其議至今

之行

柳華

華吳人宣德五年進士以御史奉旨捕閩中礦賊多方立法稍有成績及來巡按編鄉民保甲

之法復令都總甲家置兵器自衛鄧茂七頗驍勇為衆所推遂以都總甲鼓衆倡亂攻破茶戮幾二十縣都指揮僉事鄧安奏正其罪時華憲山東已歿矣都察院奏聞朝廷命官籍其家或曰華歿出自煬

柴文顯

文顯建德人正統十年進士巡按福建御史鄧茂七既誅福建三司奏文顯當賊勢微時

匿以不奏養成今患遂下獄論失機罪籍其家磔之時中官王振用事肆虐縉紳文顯之誅蓋振取中旨之殺

張驥

周書

文溢

后

郭光

驥字仲德安化人繇鄉薦授御史正統辛酉命廷臣
 四出錄獄驥得福建大出冤誣以薦署大理寺事官
 終大理少卿為人剛方廉慎

汪澄澄巡按時值鄧茂七倡亂移文江浙方面進兵
會勦既以賊方議降止其勿進越數日偵知賊

無降意乃馳趣師浙江御史黃英以聞兵
 部劾澄止軍縱賊與文顯並下獄論成

瑄奉命同都督劉聚都御史張楷撫捕賊寇頗有成
 績會沙縣民羅汝先誘致茂七來攻延平瑄督官軍

擊破之指揮劉福追斬茂七瑄將上功狀而張楷自
 建寧馳至以誘賊攘為已有奏聞

責瑄以實
 報得有罪

右正統中任

丁澄陳員韜

員韜臨海人宣德五年進士巡按閩中活沙寇脅從
 者數萬陞廣東叅政未幾擢福建右布政使遇寇賊
 發輒往捕卒于官子選為時名臣

許仕達

仕達字廷佐歙人正統十年進士巡按福建值兵荒
 之餘欲裁省郡縣冗費以紓民力乃置籍識印分給
 縣里凡供應多寡皆令里長自錄於籍所至郡縣輒
 取籍勾稽自是科徵斂戢居一年與巡撫大臣可否
 事交章爭辯有
 旨命仕達還朝耆老詣闕乞留
 因命復巡按一年仕達按閩風采大振後陞本省叅

政聲望稍減

邢宥

宥字克寬文昌人正統十三年進士授監察御史廉
介不少假借景泰初治宦官王振黨獄督通州糧實
宣府甚有能聲出按福建力排督臣薛希璉延平鎮
東二衛互易之議緩犯禁入海數十人疑獄奏留八
郡赴部匠役築永安等四城後按遼東風裁振一時
天順庚辰遷知台州居四年兩以按歷舊事就逮台
民數千詣闕奏留調晉江丞踰月擢知蘇州終左僉
都御史

倪敬

敬字汝敬無錫人正統十三年進士景泰壬申勅御
史公正者十人協同總戎覈占數兵伍敬首預焉事
竣按閩有言閩地銀坑計其寶貨足潤國用下戶部
議敬按節未行卽疏引唐德宗故事且言閩地殘於
寇盜其僅完者疲敝供億不宜重困之事遂寢鎮守
中官戴細保畜蒼頭挾勢圍民財藩臬諸公莫柰禦
敬再上章卒召戴還且命治其醜橫者閩民相慶形
諸謠歌景泰末言事件旨出爲宜山典史天順初量
移祥符知縣從安遠侯柳溥征西戎改右軍都督府

都事

練綱

綱字從道長洲人宣德乙卯鄉薦

英廟北狩

景帝即位上中興要務八事即日授監察御史其後屢上疏院中語曰歐寧手練綱口奉巡按福建時官臺山民聚為盜渠魁未獲而脇從逮繫綱至趣師進剿出逮繫家激揚過峻人咸忌之按察使楊珏素與綱有卻因相訐奏遂皆左遷綱得甘州前衛經歷無復仕進意構思庵塑范文正文忠烈二賢像祀之曰使吾遇時當學范公否則為文公歟耳今皆

不可得是以敬而奉之嘗誦解學士縉紳寧為有瑕玉莫作無瑕石之語喟然曰士當如此矣

康麟

麟字文瑞順德人景泰五年進士按閩中發摘如神出為僉事剛直見忤人皆惜之

右景泰中任

盛顛

顛字時望無錫人景泰二年進士巡按福建適當大比拔賢振滯號稱得人復入為御史天順初廷劾武安侯石亨英宗怒召人面詰與張鵬同時謫

為束鹿知縣擢守邵武廉勤敏達專以除奸弊崇教化為務郡中惡少久為朋比傾害良善顯廉其尤者尸諸市繇是軍民帖服盜賊屏息先是郡中徭役多從里書推舉驛傳亦隨本驛料派糧戶支應顯通舉一縣丁田數定為十甲以一年丁糧應一年徭役週而復始驛傳則因糧起科收貯於官有事計費給直待歲終會計之緣是無得為奸者復禮延秀郡名儒以教諸生建光澤縣學復邵武學地置射圃造濟川杭川二橋懋績甚多改知延平撤新郡學節縮浮費市民地構號舍以棲學士巡按御史錄顯兩郡政績請旌於朝進一階官至副都御史

夏塤

塤字宗成天台人景泰二年進士起家御史出按廣西除奸貪息盜賊通錢帑尋按福建治如其按廣西嘗奉命考察方面大臣黜陟公正為人剛直介潔未嘗詘意于人而人亦不敢干之歷副都御史

莊欵

欵字尚源欵人景泰二年進士授河南道御史風裁振肅考察賢否多符輿論歷按浙江廣東福建三藩奏罷征輸禁銀鑛省冗費累河南右布政使

周書

文苑

天

蔡山

唐彬

彬字質夫山陰人景泰五年進士授御史與同列抗疏論石亨曹吉祥得外謫亨敗復官歷按福建風望凜然累官本省按察使貴州右布政卒家無餘貲惟書數十篋而已

劉鈺

鈺字仗和安福人父球仕學士諡忠愍為名臣鈺景泰五年進士改庶吉士擢御史出按閩中時多務擊搏以峙聲威鈺獨慎憲度理冤獄察吏治巡歷所至求利病而興除之都指揮僉事錢輅與其長劉姓者

有郤劉密白鎮守中官誣以罪乘夜以兵圍其第輅覺而中官遽以輅反聞廷議遣官會鈺覈其事鈺奏解得釋輅曰微劉御史吾族矣汀州豪欲奪鄰墳以葬其親不與則塑於朝言其地當產天子英宗遣中貴人會鈺驗之鈺曰七閩遐僻寧有帝王地耶寘豪理陞山西按察副使

滕昭

見鎮守

伍驥

驥字體馴一字德良安福人景泰五年進士天順六年按閩時上杭賊起驥入境馳入汀察賊狀調兵策應單車往諭賊出不意駭甚及聞驥諭感泣至誠旬

日聞脅從來歸者千七百餘惟賊首李宗政等負險不服命都指揮丁泉領奇兵出賊後焚其寨泉乘勝深入奮戰被害驥吊死恤傷激揚義氣與賊戰十餘合破犂壁等一十八寨擒斬八百餘人賊平奏設上杭千戶所置軍千餘爲守禦未幾卒民傷痛出私財肖像城樓祀之成化十年上杭令蕭宏上事于朝乞載祀典有司春秋致祭下禮部覆奏賜祠額曰褒忠驥莊重寡言果決敢任居風憲持大體見同類撥拾大臣以沽名者恒心非之

魏瀚

瀚餘姚人景泰五年進士初授御史巡按雲南復歷福建才名藉甚旋按遼東中忌者左遷知州陞知府所至爲民興利終江西右布政使

右天順中任

朱賢

賢字從善六安州人天順四年進士擢御史按閩操履端方號令簡要凡有罷黜不避權勢幽枉畢達任璽焦顯涂棊

棊字伯輔豐城人天順四年進士巡按廣東漕河法繩貴近復按閩中奏宋儒胡安國蔡沉真德秀從祀

廟庭未有封爵詔可之各封伯陞廣東副使風采凜然海外冠裳爲之一新

左鈺

鈺字廷珙阜城人景泰中鄉薦成化中選授監察御史督理兩淮豪強斂跡旋按福建風紀丕振閩人頌爲真御史終右僉都御史

吳璘洪性

性字萬善攸縣人天順八年進士按閩中理戎興士民懷之

李釗鄭昱葉稠戴用閻佐徐鏞

鏞字用和興國人成化五年進士巡按福建譽望大著臧否無私後官至都御史

張稷

稷字世用高郵州人成化八年進士富經術有器識以御史按本省鋤惡植善聽獄明決審錄重刑多所平反閩帥有不職者奏黜之尤重學校敦風化憲節所至訪求先賢遺蹟存問其子若孫暇則登覽山川懷古感今時見吟咏

汪奎

奎字文燦婺源人成化二年進士除秀水令授御史

周壽

文范

三

石光

出按福建應變陳言十事切中時弊用事者惡之出為夔州府通判後累擢廣西布政使用劉忠宣薦巡撫貴州討平苗賊

劉信

信字朋節南溪人成化十一年進士執法不徇獎善疾惡時各驛遞輕重不均信與知府唐珣處置

得宜

董復呂炯

右成化中任

劉纓

纓字與清新淦人成化十四年進士知武陵藤二縣

辨治稱入為御史出按福建沙縣民陳富謀妻任
劉釗產為匿名書誣釗父弁及釗所親獄已成纓密
訊諸里人則釗父實以負債自刎論富如法莆田民
有隨母出嫁而割股療其繼父者有司以孝聞纓曰
虧父體以濟父讐孝如是乎琉球入貢挾贖貨與閩
人通輒構隙下令禁之仕終南刑部尚書
向榮具一貫

一貫字道夫海陽人成化十七年進士以上高令擢
御史巡按閩中黜貪墨均徭復平漳寇海濱漁戶故
有折色本色歲額一定間有歿絕逃亡官輒敷派同

甲責令分償一貫因災陳言通徵折色又乞令通省
 十年一次攢造漁課冊如度民黃冊例成絕逃亡無
 徵者得以開除新造漏船之未及報與舊有漏報者
 皆得舉收而補之國課民力通融無虧蔡文莊為作
 具御史利民一事記後累陞大理少卿以忤劉瑾謫
 高明州同知累遷江西按察使有平賊功

陸完

長洲人任御史頗有擊賊功歷官吏
 部尚書坐交通寧庶人謫戍泉州

曾祿朱文

文字天昭崑山人成化二十年進士巡按兩廣復按
 閩中風裁整肅魏都御史富林副使俊咸重之時公
 私殫屈會鎮守中官陳道物故貲貨鉅萬文請籍其
 數以佐公帑之乏詔雖不從時論黷之有具甲治海
 舟商乙以帀外番咸坐死文曰甲造冊而未嘗番帀
 乙番帀而舟非所製得減死其他冤獄平反尤多改
 雲南致仕

張敏

敏字志學祁門人成化十七年進士自桐栢令擢御
 史時稱為張鐵面出按閩風裁振肅陞四川叅議致
 仕歸

胡華

華字惟峻武進人嚴以馭吏惠以恤民歲大祲督所

周書

卷之四十五

文蒞

三

蔡戊

屬覈勘災傷奏蠲其稅瀕海衛所糧有舟楫難通者命收折價一時便之

陸偁

偁字君美鄞人弘治六年進士巡按福建銳於經略陞本省按察副使巡視海道時海寇克斤編戶焚蕩偁演水戰火攻法拒擊之設畫樹防什伍海艘程出入時往來立賞格嚴哨探定保甲邊徼肅然汀漳民嘯聚為盜當路者屬以兵事偁增築三堡據險守要謀賊半至麾伏卒突之張奇夾擣俘馘無筭子鉤銓俱宦閩藩臬使

陳玉宗彝李鉞

鉞字虞之祥符人弘治九年進士授御史巡視中城權貴無假貸出按福建董試事得人為多終兵部尚書卒贈太子太保諡康簡

饒糖

右弘治中任

何天衢

天衢字道亨道州人弘治九年進士自嘉興令擢御史馬端肅文升時司宰衡稍有弗可天衢首劾之出按福建以法繩豪右逆璫時被中家居瑾敗起知河

國書

卷之四十五 文 蒞

三

蔡茂

南累陞河南巡撫都御史有平寇功進工部侍郎卒

官

韓廉

廉餘姚人弘治九年進士以御史按閩坐忤逆瑾謫萬安尋逮繫詔獄瑾誅遷山東按察副使

王汪賀泰李如圭

如圭字國寶澧州人弘治十二年進士授安福令調建安時華林盜賊克斤陰設間殲其渠魁居民安堵擢御史巡按福建貪酷吏皆望風解綬歷官至戶部尚書

張景賜胡文靜程昌

昌字時言祁門人正德三年授蘄水令舉最為御史與同官伏闕諫南巡巡按福建會南靖羣醜倡獮率兵討平之詔書慰勞陞級繼巡廣東有勦賊功

周鵠沈灼

灼嘉定人正德三年進士閩人賦稅輕重不偏灼下令行八分法按興化進諸士曰莆文獻舊矣而士趣日異鄉先生如黃仁峯者無亦視為東家丘歟為建立誠書院聚生徒講習焉

汪珊

周書

文蒞

蔡茂

珊字德聲貴池人正德六年進士按閩得憲體歷官

南戶侍郎

毛伯溫

伯溫字汝厲吉水人蔡文莊督學江右伯溫以文字

見知登正德三年進士授紹興推官擢御史出按閩

中左布政某用賄入為大理卿伯溫論劾不貸郡縣

征民賦率廣額外羨日舟車耗息幾埒正筭籌校釐

革必復故常歷按河南湖廣皆有聲其後以兵部尚

書兼右都御史征安南降之加太子太保坐邊警罷

為民隆慶初復官伯溫宏博明朗臨大事斷處不疑

入仕三十餘年始為名御史老為名卿而安南之師

其功尤偉

右正德中任

王以旂

以旂字仕招江寧人正德六年進士明敏英毅留心

當世擢御史巡按獨著風裁後歷兵部尚書總督三

邊陝西軍務前後禦虜有功營寨堅壯西人賴之卒

諡襄敏

簡霄 新喻人正德六年進士以監察御史按閩奏革

泉州茶稅綽有才名而染指賄貨歷兵部右侍

郎綜理操務坐誠意伯劉喻與魏景仲光劉廷蘆聶

國公徐鵬舉爭坐同被劾閑任

文蒞

蔡山

豹

豹字文蔚永豐人正德十二年進士以華亭知縣擢御史巡按至官奏罷鎮守太監及中官之司市舶者追論延平守賊濫黜之擒寇鄭新行部所至乘驄入境奸民猾吏先得其主名悉捕治之建養心書院刻王文成傳習錄二業合一論以示學者觀風較士有生徒頭巾歆側懲以榎楚誦小學禮記諸書回訓之人謂真御史權貴見忌出爲寧波知府改蘇州丁艱歸起知平陽府諭富民出金釋疑罪使自贖得二萬餘以修城池關隘虜至平陽不敢犯

世宗亦

聞其名忌者誣其於罰金有所乾沒坐逮繫落職嘉靖庚戌虜犯都城世宗切責兵部及邊臣不任事慨然有良將相之想徐文貞公時爲禮部尚書以豹名聞遂召拜右僉都御史巡撫順天尋遷兵部右侍郎兵部尚書卒贈少保諡貞襄

施山虞守愚蘇信方涯白賁李元陽元陽字仁甫雲南太和人嘉靖五年進士從楊用脩何仲默游有時名出按閩疏請於均徭之外酌量輕省詔下其議

李鳳翔

同書

卷之四十五

文蒞

三

石光

鳳翔字伯端成都人嘉靖二年進士條議先任李元陽所奏僉編上中二等定撥均徭作銀力二差戶部覆可詔從之

王英徐宗曾高對

對字仲龍大理人嘉靖十四年進士初為諸生時嘗罹冤獄及按閩讞訊平反釋諸註誤爰書兩造無有冤辭有富室居還珠門左暴橫害民對擒其父子三木囊頭戍徙有差時有高風吹倒還珠門之謠監試閩場供給生徒羨餼鮮温無有敗餽一時稱辦治

何維栢

維栢字喬仲南海人嘉靖十四年進士自庶吉士授御史出按八閩值歲大祲福興泉漳四郡為甚維栢發倉賑恤多方存活手條八政甚悉惻愷應時施行而明罰飭法以待軼德之吏民困方蘇會上書劾分宜相有旨被逮所過士民闌道雨泣維栢拱謝曰此予慮定而後發人臣之義自當如是民間矢為歌謠數十百章有誠徵錄以傳逮至廷杖下獄既免歸隆慶改元起為大理少卿終禮部尚書閩中百餘年稱名御史必高對維栢對以嚴維栢以恩

趙應祥金城

城字邦衛歷城人嘉靖十七年進士按閩值佛郎機夷人入漳州檄海道副使柯喬禦之遂劾浯嶼把總丁桐及去任副使姚翔鳳受夷人金縱之入境乞正其罪同安覆鼎山賊猖獗掠漳泉諸縣城與巡視浙福都御史朱純督官俘獲因條上便宜四事其一白葉坂雲嶺地方跨龍安二縣百餘里山林險阻實爲盜藪請卽其地創建二堡并立官舍歲令漳泉二衛守之而白葉坂尤險遠孤危宜移源口渡巡簡司官兵與之協守其二覆鼎白葉坂賊旣殄滅其中山田可籍入官給軍耕種其三武平永定等處乃守備愈大猷汎地前者爲漳州所調以致覆鼎賊起今宜防今宜行鄰省無輕調遣俾守土官各盡其職其四地方遇警因損軍令嚴輒不敢動調一軍而募鄉兵拒敵所養非所用今宜通行領兵官凡有警俱依北邊例動調官軍征勦其鼓壯行間雖殺傷仍止功幕府若引避觀望卽全軍無失亦治其罪下兵部覆議報可

楊九澤陳宗夔曾佩趙孔昭胡志夔吉澄樊獻科獻科字文叔縉雲人嘉靖二十六年進士以行人擢南臺改巡京畿又改閩往使者行部有司具騶從供

帳甚都守令越境送迎動費不訾獻科先戒罷之單
 車行部從書史數人而已島夷寇瀕海諸郡汀邵赤
 子阻山為潢池大中丞與諸將擁兵錠城門獻科慨
 然曰人臣奉璽書境外苟利社稷猶可專也山海寇
 方螫毒在事者錠城自守如元元何大中丞聞投袂
 起視師諸將始厲氣決戰島夷就殲獻科為政精敏
 發摘專抑豪強兼并所至墨吏輒令對簿沒賊褫職
 如延邵二守者以當路肺腑橫恣甚每入謁輒不為
 禮皆先後解綬而王僉憲時槐盧晉江佃二人清疆
 吏也以中忌者南臺糾疏濫及之獻科發憤執奏二
 人皆得釋然見嗛當事以常序遷僅用叅知罷歸

徐仲楫李廷龍李邦珮陳萬言胡維新

右嘉靖中任

王宗載

萬曆中仕巡撫江西
杖劉臺死之謫戍

蒙詔蔣璣杜化中

右隆慶中任

劉良弼孫鏞

鏞餘姚人忠烈公燧之孫與其昆錠第鏞並有時譽
 登隆慶二年進士以風幹擢御史巡按用法飭治吏
 有望風解去者歷太僕寺卿

朱光宇晏仕翹

仕翹字應望清江人嘉靖四十四年進士以刑部郎改秩出巡福建會當監試精心受事對諸司曰校文大典也當得士以報朝廷雖以歿自累亦所不辭後出爲紹興知府左遷州判

商爲正

爲正字尚德會稽人隆慶五年進士選刑部主事改御史巡按山東齊俗夸健治主嚴辯及按福建乃弛解繩約曠然爲簡易行部所至延問風俗勞來農桑小民日入訴事無所罣阻因叅伍詢問盡知閭閻便

苦吏賢奸狀持以陰重不妄發發輒中窺會與巡撫龐尚鵬協策行一條鞭法罷商稅禁舖行學宮橋梁百廢具興民有龐父商母之謠福寧衛軍亂縛指揮懸旗閉門變告總兵某亟謁問計爲正曰衛將暴衆衆不勝恚犯上凌長設至於斃弗可赦已衆知必歿而果於叛嬰城四掠窮且入海今乘其初起遣急卒持牒數指揮罪而逮繫之若就戮者衆快忿泄而怠於無辭因開其告愬必駢首赴訟然後求首亂者誅之事卽解矣總兵從其計已果定舟師戍海獲倭百餘械以獻將騰疏告捷爲正駭曰倭非木人朝遇敵

捕而擒之格鬪移時我卒無一創者何也引至庭下
 問之皆手擊地具言本閩人商海所給文引為將卒
 所奪一囚解行纏則片紙名籍具焉移檄驗之果信
 皆得釋有工斧石於山得古像室而奉之遠近禮敬
 眾滿千百時白蓮禁方厲他省有以捕妖見賞錄者
 有司盡繫治以聞為正以妖言律坐一人而已其餘
 數十人悉縱遣之念緣海兵寡而民間有戍籍者勾
 補賞迭展轉數千里勞苦逋逃疏言遠方軍絕應解
 補者請改戍近郡備海上以便私家實符伍朝旨是
 之為絜令使滿報命父老持香鑪羅道跪送千餘人
 所解囚擗而呼吾小人非值公肉餉狗豕矣為正歷
 二省所疏議皆諧達大體文詞宏練執政嘆服

敖鯤

鯤字化甫新喻人隆慶二年進士授松江府推官丁
 艱補懷慶召入為御史出按閩時江陵柄國鯤故其
 所取士不為激異而自無所干涉司理習孔教運判
 蔡文範故江陵所嫌鯤輒登之薦劾不少却顧當已
 卯歲大比士百凡甚慎榜號得人終南光祿卿
 安九域具之彥沈涵龔一清楊四知

祥符人丰稜甚
盛第以嚴酷為

愉快非閩
中所宜

連格鄧鍊

鍊南城人寬仁明簡吏民安之

馬象乾喻文備張天德陳子貞劉芳譽周維翰徐北

魁何熊祥劉應龍張應揚何淳之方元彥湯北京

京桐城人萬曆壬辰進士好善愛民方入閩按治不

法風裁凜然

陸夢祖徐鑒李凌雲

右萬曆中任

欽差刷卷及清理軍政監察御史

國初監察御史
安察司官巡歷

所至皆許刷卷後專命御史五年一次照刷清
理軍政宣德中差給事中御史正統五年定差

御史三年一更正德十三年刷卷御史暫取回
令巡按帶管嘉靖二十九年定清理軍伍兼照

刷文卷御史又國
初有督銀課御史

欽差刷卷監察御史

邵宗

宗按閩時錢糧刑名積案年久俱遵

祖宗成

法照刷案牘肅清屬吏知戒

右宣德中任

張海

海為刷卷御史邵茂七亂巡按御史汪澄按延平聞

賊勢已熾即還會府海至延平被圍海撫諭之賊且

降海以實聞而澄忌之適

朝命御史丁瑄按賊

事澄則附瑄妄奏以抑海然澄竟坐擅止浙軍下獄

右正統中任

馬震

右天順中任

方誌

右弘治中任

毛伯溫

見巡按

右正德中任

欽差清理軍政監察御史

楊義

右永樂中任

張宗璉

以大理丞清軍附

宗璉字重器吉水人永樂二年進士自翰林庶吉士

修永樂大典授刑部主事嘗奉命錄囚廣東人稱長

厚

仁宗皇帝臨御簡朝臣賢者為東宮官擢

左春坊左中允

宣宗嗣位陞大理寺丞清理

福建軍政時稱廉公還改常州府同知專督農事視

民如子民甚愛之再奉部檄與御史李立共事清理

常州軍政立專得軍為功不念民枉宗璉執簡與爭

立怒異已盛氣詬詈宗璉終不為變積忿不平竟以

念卒常民走哭累日不絕喪歸服素送者數千人
尹崇高

右宣德中任

陳永一作彭某姚壁侯爵王珉見巡按畢某丁澄

右正統中任

應灝陶復

右景泰中任

顧儼顧唯

唯字德明長洲人正統元年進士改庶吉士授行人

擢監察御史巡按福建最有才名陞本省副使為姦

民誣奏調知贛州唯饒治職從容裁決不動聲氣事

無難易無弗辦者

右天順中任

邵智白鳳沃類尹仁易居仁姜昂張昺

昺慈谿人成化八年進士初知鉛山縣辟妖捕虎數

數與鬼神通其後以劾威寧伯陳鉞保國公朱永太

監汪立坐為內閣劉吉所忌謫官仕終四川副使

右成化中任

韓明

明字惟遠餘姚人成化十一年進士為清軍御史先



府縣進冊者貼解有紙價註誤者有罪米吏胥乘間科擾萬端明悉清其弊

賈宗錫郭絰王哲

哲吳江人弘治三年進士授御史清軍福建兼理鹽法時以同姓被誣為戍卒者百餘家淹禁累年辯枉出之軍籍隱漏設法清理歲以千計所領法課最於他御史出按廣東江西江西人謠曰江西有一哲六月飛霜雪天下有十哲太平無休歇累南京都察院右僉都御史再加巡撫江西忤宸濠中毒歸哲喜讀書尤熟於史嘗言說好話行好事做好人題其所居

曰好齋

莫立之陶煦

右弘治中任

羅善高賓汪正王介王應鵬周震程材材字良用歙人弘治九年進士初授汀州府推官方嚴明察一時獄訟不之守而之推守啣之巡按御史胡華入守言每含怒以待有因事當流胡欲寘之成材據法諍胡怒曰我不知法耶材辯解不已良久胡忽自悟推官言是也幾誤殺一人後有大獄必召材議巡郡必挾材往舉為八閩循吏冠召授試御史即

上疏劾大臣貪老者二人長憲者謂試御史不得遽
言事不與實授材亦不顧及實授奉命福建清軍薦
林俊陳茂烈及海內諸公皆為當世名人

右正德中任

黎貫

貫字一卿從化人嘉靖二十六年進士選庶吉士授
御史奉命福建清伍閱帑帑時鎮守內臣同藩司乾沒
帑金以萬計貫按劾令償前此命使未有也其後以
論孔廟祀典罷為民

徐州楊瑞蔣詔沈一定包節

節字元達華亭人嘉靖壬辰進士以闈豎誣構謫戍
湟中有湟中集幽憂困苦窮而反達有餘悲焉

沈寵

寵字思畏宣城人繇舉人清戎福建治尚威嚴鋤奸
遏惡終廣西叅議

右嘉靖中任

侯堯封

右萬曆中任

欽差督理銀課御史

張鵬

鵬字騰霄西安人永樂中鄉薦宣德六年以御史監寶豐場場每歲四進課鵬奏減其二民大受賜先是奸猾民構造無情赴京陳訴報復私怨者比比吏不勝煩擾請一切訴訟自下達上越訴者發戍邊自是誣訟雖省而奸猾彌肆鵬奏伸冤理枉按察之職今閩中臬司每聽民訟輒援越訴例發遣戍邊致民冤苦子思宣宗遂命訟得實者毋究越訴罪自是官有信度民得法守

右宣德中任


馬傑

傑巡按福建閩中銀課二萬八千二百五十兩故侍郎焦少定采取年遠礦脉細微額數難克傑為奏減下戶部定額一萬二千四百兩民因少甦

王珉

珉錢塘人永樂二十二年進士擢御史按閩奉勅巡視銀場先是御史馬傑為銀場請減額已行解矣戶部復令追補焦宏舊定之額珉復為請命雖朝命不從坑冶之民德之

右正統中任



武五錄中卦

武五錄中卦

武五錄中卦

武五錄中卦

武五錄中卦

武五錄中卦

武五錄中卦

武五錄中卦

國書卷之四十六

文蒞志

皇朝

布政使司

左布政使 右布政使 左叅政 右叅政 左

叅議 右叅議 經歷都事照磨簡較各一員

俱幕職洪武十三年罷照磨簡較 理問正副各一員 俱屬官 提控

案牘一員 理問幕官 廣積庫大使 太司獄一員 司惟左右

二布政守藩叅政而下悉有分鎮沿革見福省方域萬曆二十年以來藩臬堂上官無定員多

兼街

左布政使

葉茂

茂江寧人爲儀鸞司使事太祖二十餘年精

意小心

太祖御極之九年始置天下承宣布

政使司皆妙擇廷臣充職而茂首膺福建之任敦本

務實治民事神咸極誠敬

鄭思先

思先學通經史爲政寬猛適中同民好惡洪武十年

降主事

姚肇

肇富陽人洪武中舉孝廉試太常丞改職方主事以

勤慎稱陞雲南右叅政論楮幣塞鹽井皆切時弊陞

本省布政使

吳昭

昭孟縣人穎悟通博初授中書省郎中陞福建左布

政使興利除害民翕然便之會天變求直言中外寂

無應者昭條陳國事切中時宜詔書褒美

薛大昉

別見張機

右洪武中任

張拱辰麻冕

周書

文滌

二

臯

晁全椒人繇國子生授刑部主事累本省左布政使
雖寬和寡斷而知民疾苦

右永樂中任

侯軌方正 正統十年吏部言正誘取福州已故指揮
單剛妻馬氏為妾又與按察使謝莊俱在

福州右衛百戶陳亮家挾妓
飲酒下法司逮治黜為民

右宣德中任

宋璋黃興 一作黃懋周頤

頤字養浩會稽人永樂初徙巨室丁壯實京師頤以

兄當行而母老遂慨然上疏請行許之已入太學拜

監察御史歷官有聲 英廟改元遷本省左布

政使至則建侯官懷安二縣學開江山浦城道至今

稱便

徐璟宋彰 彰交趾人為本省參政與中官多親舊其
餽王振至以鉅萬遂得陞左布政計營所

費驗戶斂之於是鄧茂七因民怨讟乘勢而起不兩
月天下震動羣盜聞風若火燎原實彰首禍詔繫獄

論外遇
赦獲免

陳員韜 見巡按李文定

右正統中任

姚龍張琛

琛東平州人正統中舉人為衡州同知父卒廬墓不

規家室服闋擢吏部文選郎中銓選公明為時所稱

陞書
三
仕至本省左布政使

右景泰中任

秦敬

敬字克恭涿人正統三年進士授刑部主事歷本省
左布政使爲人雖麤豪自矜而清白精敏通曉法比
待士厚御史嚴出納錙銖不苟下人不敢爲私擢右
副都御史巡撫貴州以病乞歸

右天順中任

張斌

斌字質中祥符人宣德己酉舉人歷監察御史整理

密雲邊務累立戰功

英宗念其久勞于外召

還朝尋擢本省左叅政成化初以各省方面多缺令
九卿各舉所知會同銓部內閣酌用於是李文達賢
薦斌擢本省右布政使旋補左乞骸骨歸斌宅心仁
恕行政寬簡剔歷中外綽有時名

劉敷

敷字叔榮永新人景泰二年進士授監察御史歷湖
廣按察使改福建盜起海濱與憲副何喬新搗巢擒
之遷左布政使會入覲值彗星見疏奏十二條皆切
時事敷坦夷濶達不詭不激事至必解雖在倉卒酬

劉敷

文苑

四

德

應綽裕終副都御史

路壁

壁安福人正統七年進士繇給事中歷雲南右布政
陞任先是閩中貢獻供億均取於入郡不計郡大小
壁視民數為等差而均其役於郡稅舊各輸於近海
旁郡民憚海運之艱多鬻產往糴之列官穀價騰踊
壁第令各輸於其郡又閩中歲徵稅價輸京師吏胥
因緣悉以私意上下當道莫之省壁悉釐革之以病
引去

李田

田嘉魚人景泰五年進士總轄閩藩紀綱振肅以才
敏稱陞都察院右副都御史巡撫順天中官汪直用
事怒田不私謁遂歸子承勛為時名臣

李嗣

嗣字克承南海人景泰五年進士授南戶部主事成
化中累陞福建右布政漳州有狂生善習術醉後能
使人役草木邑吏上變藩臬議舉兵嗣曰激其反矣
單車往生家縛以歸尋轉左終戶部右侍郎卒以清
介聞

溫琮

溫

陸書 卷之四十六 三頁八
琮華陽人歷官本省按察使轉右布政使尋轉左卒
官無以爲歛御史劉信以公帑贈賻歸其喪

童格

格字韶鳳常熟人景泰二年進士以雲南按察使陞
本省布政使節財用公出納恤民愛士擒上杭盜魁
滅漳泉賦役之繁重者轉南大理卿格清謹坦夷望
之知爲仁人君子也

右成化中任

戴珊

珊字廷珍浮梁人天順八年進士以浙江按察使遷

本省右布政使復轉左勤教養通財賦情法兩當論
治體者必歸之自奉儉約無他嗜好退食惟焚香讀
書終任不持閩中一物仕終左都御史被
宗知眷爲弘治中名臣卒贈太子太保謚恭簡

陳賓蔣雲漢

雲漢字天章巴人天順元年進士授戶部主事陞興
化知府擢貴州左叅政改廣東遷福建右布政尋轉
左上疏乞歸雲漢在興化政尚寬簡獨馭吏如束薪
其總閩藩妻病革移外寢盜盜其金及捕獲皆廣東
輿隸之資名識具存人以此信其廉比致仕同官者

贖之辭又使人出境強之曰若可受何必踰境也甫田陳郎中某謂蔣公清節宜加寵異以示勸懲言雖未行識者韙之

洪鐘

鍾字宣之錢塘人成化十一年進士授刑部主事諳習憲典大司寇林聰器重之轉郎中江西福建流賊甫定鍾承命審處歸言福建之武平上杭清流永定江西之安遠龍南廣東之程鄉皆流移混雜武力相尚是以易闖而生亂宜令有司多立社學訓誨弟子銷其兵器易以詩書歷江西右布政使著績兩省歷

陞左都御史加太子少保賜玉帶特命出總川陝湖河四省軍務平沔陽洞庭之寇破藍五鄆老之亂定土官楊友揚愛之變朝廷降七勅獎勵賜白金麒麟服進太子太保卒贈少保謚襄惠

李琮

琮字義方景寧人以山西按察使擢本省按察使為人恬簡無疾遽而當官有斷廉冤辯抑其總閩藩值歲飢極力拯救資序四十餘年僅至牧伯物論歎其滯才

周書

卷之四

七

黃順

琰字廷信絳州人舉成化辛卯省試第一登辛丑進士授刑部主事累本省按察使後由浙江右布政使陞本省左布政正德元年調山東陞都察院右副都御史巡撫河南以擊逆瑾黨徐謙坐下詔獄瑾誅復起累南京兵部尚書加太子太保琰自登第以及膺仕理繁劇禦寇盜屢試盤錯而守官轟然才足濟行自奉清剋飯惟一蔬朝鄉交譽為世名臣卒謚恭介常麟陳良器

右弘治中任

蘇葵

葵字伯誠順德人成化二十三年進士選庶吉士授編脩弘治丙辰當次同考會試柄臣屬其私人遂謝試事出為江西僉事督學鎮守內臣董讓作威福害縉紳誣奏葵遣法司盛洪等問治之洪閉門欲刑葵諸生數百排闥入擁葵去事得白改四川裝不能就其兄從建寧資之廼行後歷本省參政左布政使卒馬懋王縝

縝字文哲東莞人為入敦重寡言咲弘治六年進士選庶吉士授兵科給事中正德初為雲南參政劉瑾擅權牽咎罰米五百石俸不足鬻產以償瑾誅起為

右布政使俄轉福建布政使進副都御史巡撫應天
 陳珂 字希白 崑山人 弘治三年進士 自刑部郎出守河間
 有神明稱擢福建叅政遷按察使時內使陶錦怙勢
 張皇珂正直無諱陶亦自戢逆瑾用事遣御史捕鹽
 徒盜賊株連汎濫珂屢與抗陞右布政使武平大帽
 山鯨賊猾驚珂便宜發帑申錢具糗糧芻茭給官軍
 賊就駢戮轉左布政使設賑貸法定縣役之條寬舶
 商椒粟之征建通濟橋七十餘民咸利之陞都察院
 右副都御史巡撫河南入爲大理卿珂敷歷中外三
 十年章疏無慮數十餘大約皆經世大猷發先賢遺
 意時未及用識者韙之

胡詔伍符

符字朝信安福人成化癸卯舉春秋第一丁未成進
 士選入翰林改郎刑部冢宰寧波屠瀟銓爲其本郡
 守入覲爲海內守最歷福建左布政使入覲銓部復
 考爲天下方面官最累遷副都御史巡撫應天符外
 嚴重而中平厚未嘗輕假人辭色在閩時嘗以裁省
 月糧致閩卒脫巾之變然亦尋定

席書

書字文同遂寧人弘治三年進士知剡城有聲歷戶
工二部主事時雲南晝晦五日南京刑部左侍郎樊
瑩巡視雲貴奏黜貴州官三百餘員以應災變書上
疏極論
孝宗欣覽帖置座右擢河南簽事累
轉本省左布政使宸濠反王守仁傳檄諸省獨書與
按察使周期雍即日赴援宸濠敗道歸嘉靖改元陞
右副都御史巡撫湖廣大禮議起人持異見書私擬
疏草與張孚敬指合桂萼助孚敬倡言時正寡助錄
上書草召為禮部尚書累加武英殿大學士卒贈太
傅諡文襄

右正德中任

夏從壽

從壽字如山江陰人弘治六年進士授工部主事歷
戶部郎中為劉瑾所構落職瑾誅復官累遷福建布
政使嘉靖改元轉左海舶踰制巡海者欲沒入之從
壽曰海鄉以舡為業奪之是驅為盜爾已失舡者果
皆入海暴亂從壽榜招之迺首服時詔赦民田租之
半計閩中當缺軍餉數月從壽請留歲解銀拾萬以
充懇疏至丹迺得請時有沙姓者為廉憲閩人謠曰
地暑偏宜夏布風寒共怨沙廉臺諫遂據為舉劾焉

累加都察院右副都御史撫治鄖陽致仕

陳錫

錫字佑卿南海人弘治十八年進士授戶部主事嘗司廩牧時逆瑾用事羣瑄布列雖束芻出納亦混主計錫法繩之累福建叅政歷左布政使綏定叛軍鈞稽乾浚樹立風紀綽有令聞擢應天府尹

陳祥

祥字應和高安人弘治十五年進士自縣令召爲御史以直見忌出知惠州累福建右叅政未半載遷左布政使冰蘖自持絲毫無染終右副都御史

查約

約字原博海寧人弘治十五年進士以南刑部郎出爲福建僉事恭勤畏慎所至問民疾苦旌義烈辯冤獄馴如悍治有異等屬郡旱疫癘大行躬勤禳禱給藥療之清汎狴犴開釋無辜天大雨疫亦良已延平邵武暨福州軍相繼煽亂約以單車申諭衆咸戢服擢山東副使以憂去補江西進福建叅政治學舍廩孤貧惠養士民徙左布政使歲浔饑下令諸司椽上納者悉出穀分貯諸倉備賑建議躋馬端肅劉忠宣於祀典以訓官常合羅文節章文懿祀之專祠以勵

陶書 卷之四六 三百九
士節會有旨命尹應天繼命撫山東報皆未至侯官人林汝美以殺妻論死獄中車小二郡劇盜也與汝美同繫侯官令黎文會甘酒廢事二囚私賂守獄卒解免之遂得藏兵瓜中以橐餽誣人嘉靖九年正月晦前一日二囚率衆破狴犴出殺令又破府中獄出之相與趨南門將入海約自以故有施閩中且前三郡兵亂悉其單身諭降銳身前化誨之言未脫口亦已陷胸遂與叅議楊瑀都指揮王翱按察司經歷周煥同時遇害經歷之僕以身翼經歷輒亦遇害賊遂由井樓門斬關直趨連江航海遁去官軍追之竟無所獲閩人皆痛約草草歿慟哭甚哀立祠祀之

宋冕

冕字孔瞻餘姚人弘治十五年進士授刑部主事通瑾竊柄以謝文正遷故欲盡傾姚人之仕於京者會有一軍士犯法瑾欲罹以重罪冕出之瑾怒降冕金谿知縣歷陞福建左叅政興化有朱姓者倚兄勢橫行累被奏訴多賄寢免冕執論如律永春等處流賊猖獗劫去捕盜通判分巡不能禦坐失機鎮巡謂滅賊非冕不可越按境借冕行冕選精騎百人跳而誘之出險擒其長渠數人賊懼請易以所執通判冕知

賊必遁料地按伏擒其首從數千惟百餘人逸海上
盡推功於失機分巡使贖罪嘉靖改元陞河南右轄
尋陞浙江左轄查約遇害當道擇人繼之仍補冕冕
受事底定安集臺司久不決者多屬平允陞右副都
御史提督撫治鄖陽

張峨屠僑

僑字安卿鄞人正德六年進士嘉靖初以監察御史
出知保定尋調延平府僑在延平飭厲吏治事上不
阿元精明嚴毅人莫敢干累福建左布政使入覲不
一持土物八閩計吏戢戢奉範遷光祿累都察院左

都御史僑正已率下風采凝峻而潔情恕物有空受
之量

范輅

輅字以載桂陽人正德六年進士授行人拜監察御
史清戎江西疏論寧庶人奸狀坐誣繫獄謫四川宣
撫司經歷擢福建僉事備兵漳南累陞福建按察使
丁艱未赴後歷遷福建布政使卒官輅和厚精確遇
事勇不可奪臺諫風烈藩臬績樹卓然時冠

陸鈞

鈞字容之父傅見巡按鈞登正德九年進士授南京

周壽

文莊

洪正

車駕主事武宗駕幸留都尚書喬宇參贊機
務凡事引鈎共籌陞職方員外郎隨駕旗牌官輩例
分守城門怙勢騷擾鈎日爲點視錯綜中官有不服
者正色折之累轉福建左布政使以飛詭新增田補
浮糧額賦僉解戶革貼解費復十年出辦料額之法
述職京師冢宰許進以地方弊政詢諸方岳鈎條陳
數事曰鹽法曰積弊曰寺田曰盜賊許亟采上聞著
爲令甲陞都察院左副都御史巡撫保定鈎偉姿山
立氣度豁如不爲深刻崖岸而確然有不可搖奪者
敷歷中外所至有聲宦成之後田廬故業不長尺寸

周忠陳卿

卿宜賓人弘治乙丑進士有才名以廣西左布政使
調福建右布政使仍補左累都察院右副都御史巡
撫甘肅以軍功陞兵部右侍郎兼僉都御史

馮時雍車純

純字秉文上虞人正德十二年進士歷福建右布政
使未幾轉左蒞閩三載操執潔清民有車布不車金
之謠陞右副都御史巡撫湖廣純莊凝夷曠爲政持
大體秉典憲每言事率稱引天下長者
章僑婁志德

志德字存仁項城人正德十二年進士初知趙州陞
 戶部郎出守杭州轉福建鹽運使以廉謹著稱先是
 商人引領下場支鹽船無定式引無定數夾帶餘鹽
 數難稽覈志德議溪船長濶限以定式約裝子母鹽
 五百餘引海船三之革去打色置鐵索四條以為掣
 摯又建議設黃崎鎮分司東路官鹽始通累福建布
 政使終副都御史

姜儀

儀字君肅南昌人正德九年進士以廣西按察使陞
 福建左右布政使海寇大掠儀奮身整旅嚴賞罰賞

士卒殲其渠魁遂底平之居官自常俸外雖紙米凌
 雜一一登記歲近一週積羨餘以數萬建寧諸路大
 歉出庫金廩粟及所積羨援拯之陞都察院右副都
 御史巡撫湖廣以疾乞休

蕭晚

晚吉水人正德十六年進士以刑部郎持法出為瓊
 州守定黎佛二之變遷廣西按察副使定綠里賊撫
 盧蘇與沈希儀擒岑濬子金轉廣東叅政按察使福
 建右布政使尋轉左議加賦決疑獄為人恂謹篤茂
 而當官行法不尺寸徇人

屠大山

大山字國望鄞人嘉靖二年進士前方伯僑之姪自山東右轄轉左轄閩中其後以南兵部右侍郎巡撫南畿坐不能劄倭下獄黜為民隆慶初復官大山沈毅健決外峭內詳精法比平不妄入堅不輕徇

王積岑萬

萬字體一順德人嘉靖五年進士授戶部主事歷福建左布政使遇萬壽節御史曾佩拜于上萬引却之曰拜下之禮按臣何獨不然御史啣之論謫廣西叅政遷河南右布政致仕卒祀蜀名宦

劉采

采字汝質麻城人嘉靖八年進士起家知宿州累遷左布政使蒞任期年疏乞致仕會冢宰知采與九卿力言於時相擢巡撫山東右副都御史南兵部尚書采自為州時種蔬官署與妻孥共饘粥不發私書不寄耳目左右歷仕外服未嘗致要津一帛一金晉秩部院凡有章奏口占立就剴切正直朝廷多所稱允卒諡端簡

姜恩

恩廣安州人嘉靖二年進士歷福建運使省城官鹽

周書

文苑

七

阜

不通私販盛行至乘機爲盜恩議開南港報商行鹽
化販徒爲水客反私鹽爲官鹽累本省左布政使
楊應奇趙維垣

維垣永寧人嘉靖十一年進士少有才名

王國楨曾于拱

于拱字思極泰和人嘉靖二十年進士受業歐陽文
莊德文莊一見喜曰吾益友也以學術爲事功他日
必有補益累福建左布政使時當倭訌諸道兵雲集
餉稍弗給輒脫巾譯于拱百計取盈假剩俸括羨緩
士各宿飽倭平以疾乞休後擢太僕寺卿終副都御史

王遵陳大賓

大賓江陵人嘉靖甲辰進士自土虞令爲南御史歷
本省左布政使官終工部侍郎大賓豁達清介直節
自負講於學問能談時事若魏尚班超可並與而游

右嘉靖中任

劉光濟陳典朱綱

綱字振甫曹縣人嘉靖二十六年進士授晉江知縣
廉慎仁恕櫛垢爬痒入覲不持一物擢監察御史累
本省左布政使

右隆慶中任

萬思謙

思謙字益父南昌人由進士授嘉定令矢身禦倭捐俸築城淹滯郎署轉光祿丞以長揖冢宰外補官至閩左轄盈縮中燹出納惟允庭無私謁帑有餘羨陞太常卿致書張江寧相勸復言官切直相忤致政思謙雅負才智經術而篤志學問因應成務根本性情劉侃沈人种張天馭舒應龍

應龍字時見全州人嘉靖四十一年進士累福建布政使精敏廉介帑藏嚴密諸郡縣所上鏹往往解役與吏通陽入而陰出之或洗補文書令無所稽覈應龍一見輒發其奸終其官吏不敢犯提調秋試綜理詳盡宿弊悉釐官終工部尚書

劉漢儒陶大順

大順字景熙嘉靖四十四年進士初郎工部歷陞福建按察使轉右布政閩藩司庫藏弗飭大順語左使治之不聽已果大亾庫銀悉逮官吏邏卒五十人於獄令各償亾三日輒比流冊浹墀大順曰盜多不過三人而繫五十人卽盜在是亦四十七人寃矣請代治獄左使喜屬大順大順悉遣之戒曰第往跡盜旬日來言福寧人與鐵工鄰居夜聞銷聲窺之所銷銀

元寶也以詣官工曰貸諸某家某家證之曰然首者以誣坐矣大順曰鐵工貧人游食誰有以五十金貸者此是盜也令索得之一訊輒輸曰盜者吏舍奴也使某開庫鑄酬我耳搜捕奴具得贓五十人皆釋御史將決囚請大順擇當殺者若而人大順第十人進御史置名筒中沐浴辰起再拜禱曰此民命某不敢專惟神告之禱畢探闔闔先後視大順甲乙序皆符御史喜謝曰公可謂上合天心矣轉左布政使終廣

西都御史

帥蘭宋應昌張明正管大勲

大勲鄞人先選翰苑再入諫垣耽枕墳籍尚氣誼爲延平太守重風化節冗費均羌役一洗驛傳坊里積弊時方丈田大勲恐開弊竇但令七邑均派浮苗民使其不擾歲旱素衣步禱竟致豐登至扶弱鋤強摘姦揭伏優優如庖办後以布政叅議分鎮延平累陞福建左布政使

李承式郭子章

子章恭和人隆慶五年進士好學著書善鑒別文章有才略兵部尚書終官

朱運昌

見巡撫

王恩民徐學聚

見巡撫

范涑

涑徽州人講於學問其子來官舍省視衣布而已

丁繼嗣袁一驥見巡寶子併

子併字可揚合肥人萬曆壬辰進士守泉州守法不苛一廉如水仕終左伯

陳道亨

右萬曆中任

右布政使

范謙

謙澠池人聰明重厚博通經史累官本省右布政使

右洪武中任

劉瑾

瑾澠池人姿貌魁偉孝友力學永樂初以貢授本省

右布政使

鄒昱

昱華陽人永樂初由國子生授漢中府同知擢本省

右布政使雖無可否事而寬簡著稱

右永樂中任

孫昇吳福

福字好德鄞人建文庚辰進士授禮科給事中歷本省右參政陞右布政使謹厚有執治行甚著其為給

周書

卷之四

文蒞

節德

事。中時使琉球遇颶風中貴人以下皆謀禱海神福
惟戒舟師謹艖舵而已

右宣德中任

范理

理字道濟天台人踰冠中宣德四年鄉試第一明年
會試第三宣宗召諸進士親試齋宮置理第
二賜白金楮幣選知江陵縣少保楊溥薦知德安府
蒲去以最超陞福建布政使均徭役平摧科黜貪獎
廉大兵剿賊鄧茂七理司饋餉善調度朝廷加其功
賜綵幣表裏仕終南吏部侍郎

石瑁

瑁字信之應州人宣德八年進士擢禮科給事中正
統九年以金華知府超陞福建右布政使謹節不務
奇節而樸實愜輻與民相宜進南吏部侍郎禮部尚
書嘗承旨周章爲英宗所不喜上章求退

英宗復以其篤實留之

右正統中任

劉讓

右景泰中任

朱英

周書

卷之四十六

文蒞

三

鄭二

英字時傑桂陽人正統十年進士授監察御史十四
 年奉命撫綏閩浙計獲首賊周明松諸黨悉平成化
 五年陞福建右布政福建八郡歲輸大青大綠然實
 非土產直備價走鬻他省吏胥為姦青綠一觔至料
 銀十餘兩英減其值三之二擇屬官廉能者先期鬻
 貯之提督市舶中官死鎮守太監分其貲遺藩臬諸
 公英不能却受而輸之庫累左都御史掌院事卒贈
 太子少保謚恭簡

王高

高安福人正統中進士高父芳孫為山東河南布政

使清慎自持璽書褒美高歷本省右布政居官四十

餘年人咸重其有父風人

鍾清

右天順中任

錢璉陳渤徐貫劉瑀葉宣張玉

玉吳橋人成化中進士任監察御史有直節歷福建
 副使轉本司按察使布政司右布政使在閩十餘年
 凡盜賊隱伏人民誣罔不軌之謀不均之賦悉知根
 底摘發裁革俱得其宜進順天府尹終右副都御史
 巡撫遼陽

柳順

順字致和東莞人天順庚辰進士以江西左叅政坐累左遷石阡知府累福建右布政使終江西左布政使雅尚恬退雖中遭挫抑而志操益勵歷官四十年家業不益於初仕

張斌溫琮戴珊

並見左布政

右成化中任

陳瑗

瑗字大玉祥符人成化八年進士授戶部主事歷福建右布政使事有利弊與同官以漸興除不肯專主

嘗病文移亂真廉察之果得偽印十餘皆出老軍吏手悉擒治置法閩城中故有渠通潮汐縱橫如井形湮塞六十餘年瑗浚治之後轉江西瑗為人和厚居官不以威嚴臨下所至自理都察院右副都御史終官

李雲

雲字時望宜興人篤孝友舉進士歷官有聲累福建叅政轉右轄

李韶夏祚

祚當塗人成化十四年進士為兵部給事中歷叅政

周書

卷之四十一 文蒞

三

郭文

終本省右轄有平易之政致仕歸
郭紳車壘白圻

圻字輔之武進人成化二十年進士授戶部主事歷
福建左叅政勦汀漳賊有功陞右布政使累擢右副
都御史總督儲南京圻生長貴遊溫恭謙抑禮交天
下賢者寃心痛隱屑於猥瑣繁劇之務

右弘治中任
鄒文盛十箱
文盛字時鳴公安人弘治六年進士被簡為吏部給
事中陞兵部左給事中以忤權貴出守保定歷福建

右布政使累南京戶部尚書文盛體貌端凝襟度洞
豁歷官三十餘年恭謹廉飾據法守正卒贈太子少
保謚莊簡

龔弘姚鏞
鏞字英之慈谿人弘治六年進士自禮部郎出為廣
西提學僉事轉福建副使值山寇焚掠邵武之建寧
鎮巡使往視之鏞籍被兵者萬餘家瘡痍之民賴以
甦息事竣署臬司篆汀州大帽山賊七千餘人攻武
平承檄往禦下興泉集鄉兵赴救賊聞風遁迺叅審
形勢集諸軍討之賊餒甚間道走江西入南豐新淦

樂安永定民有賴師智者部五百人出身禦賊所部
多戰歿賊又陰襲其家有司不能卹由是師智擁兵
自保而已鏞曰壯士也撫而用之師智請効歿諸軍
倚爲重改督學使者敏閱精記閱後皆能舉其文一
被品題輒以次登賢書興泉寡通春秋建汀鮮易學
爲延名經分教之閩士通經始全復講求古禮石諸
生肄習修閩中諸大儒書院增其祀田恤其後裔而
以林栗顏棫與朱子爲氷炭斥其學宮之與祀中官
廖堂永定人也其侄鵬以子囑鎮守太監崔安營入
試場峻拒不許正德九年吏部旌天下方面官十有
五人鏞與焉陞貴州按察使轉福建右布政凡輸錢
穀不責羨餘農民承差失班者故聽罰金鏞答遣之
而已陞山東左布政使終兵部尚書總制陝西三邊
杭濟

濟字世鄉宜興人弘治六年進士歷福建提學副使
崇雅黜浮士習丕變轉右叅政提調秋試多拔名士
漳中盜起督餉進征往來彌歲豫遏其謀分守邵武
民大和會其後自河南左叅轉本省尋轉右轄簡省
徭賦致仕與仲弟都憲淮並負才名家居友愛壽八
十餘

革泉

泉字文光無錫人弘治九年進士改庶吉士擢戶科
給事中疏劾會試王者罪被逮既免遷南京大僕寺
簿累遷福建右布政使軍士以食缺唱譁羣情洶洶
泉至曰支不折食不缺議請于朝而更之復梓行八
郡均徵之籍以杜後弊清戎之政故屬藩右率以官
重弗躬泉歷八郡悉周遍賊彬竊柄要賂諸藩脇以
竒禍泉不為動彬校入境遽去

右正德中任

夏從壽陳錫

並見左布政

何詔

詔字廷綸山陰人弘治九年進士為南工部郎以忤
逆瑾坐累下獄歷南建右布政終南京工部尚書平
生直諫而未嘗以氣加人守官奉公務本體不求赫
赫聲嘗語僚屬曰事求稱食天未有弗報者卒贈太
子少保

丁沂

沂字宗魯溧水人弘治十五年進士郎南刑部門無
私謁獄無怨辭累本省右轄吏畏民懷都御史終官

陳祥

見左布政馮駟

駟字行健岳池人正德二年進士歷興化知府政尚

國書

卷之四十六 文蒞

三

畢

威嚴閭里輕俠姓氏悉訶跡籍記之時有惡少十餘輩蒲博賭筮睡眦之恨輒目為仇家而中之伸猾以下又相與竊竊効尤馴以計束治諸惡少業窘迺悉按之法無一縱舍嘗著虎枕銘其序曰太守抵方壺適多警虎三日兩授首鼠狗足評乎太守徵其方之將靜裁體作枕而寢其鞞銘曰非爾體吾何枕非爾鞞吾何寢起視海岱吾安吾朕視郡七年里不得有豪民不知有吏後擢本省右轄轉江西左使

錢宏

宏字可容錢塘人正德二年進士以廣西按察使轉福建右布政爬剔蠹劇刁猾斂避轉湖廣左布政使進右副都御史提督南贛宏爽剴博碩臨事存大體而凝峻方毅有不可奪者

吳昂

昂字德翼海鹽人弘治十八年進士以雲南僉事改福建福寧有訟妻殺夫者詞證不相佐輒坐妻死昂閱獄疑之禱於神夢一小兒據人腹昂不能解百方踪跡或告曰鄉有杜福子者嘗與其夫合資行賈其夫死福子家迺驟饒昂曰小兒據人福非杜福子耶密遣邏卒縛至一訊而服閩人呼吳青天陞山東按

國書

文苑

三

黃順

國書 卷之四十一 三百五十二
察副使備兵徐州當是時桂文襄公初入吏部諮訪
人才魏莊渠歐陽恭簡力薦昂昂至徐僅逾十旬遂
擢福建叅政閩人聞之喜吳青天復來也進右布政
使出納清允吏莫敢奸雷震譙樓昂曰罪在官長備
位方伯敢不引咎即日疏請老歸携圖書數卷士
民攀援車枳所過父老扶携進茶果泣送之

王學夔

學夔安福人正德九年進士郎文選守正庇善爲時
相所惡出爲南太僕少卿改太常復中他事調外任
爲本省布政使歷南禮二部尚書乞歸學夔文學深
淳操履廉潔中有才畧不屑自露人不知也

何鰲

鰲字子魚順德人正德二年進士知慶元治聲藉甚
召爲御史歷本省布政改湖廣所至頌德

張欽王浚徐乾

乾字健夫臨桂人正德六年進士自廣東叅政陞福
建按察使以忤直指意不列薦書朝議紛然卽擢乾
福建右轄隨擢湖廣左轄用快公議乾性行直亮多
與世忤又坐王親格令甲不得內遷屢遷疾乞歸湖
廣巡撫顧璘獨期其可大用請改授卿佐職名在外

巡撫不報屬
車駕南狩以迕從駕貴人逮至
京獄具罷歸

周忠傳鑰

鑰字希準廣陵人正德六年進士授禮科給事中屢
言時事論備邊一疏兵部尚書王公瓊曰吾不能言
也其後以江西叅政遷福建右布政使終巡撫河南
都御史鑰寬大廉醇斷獄輕文待下掩惡而揚善至
於利誘勢怵則屹然山立居外二十年不以書于中
朝貴人頽然自守而已

唐瀚車純

見左布政

歐陽席姜儀蕭晚

儀晚並見左布政

喻智侯

緘張鏊

鏊字濟甫南昌人嘉靖五年進士簡庶吉士陟部郎
奏毀寶玉佛像力拒徽藩田租督浙學政得人最盛
以祝辭忤時相改苑馬卿轉閩憲復轉右轄至南兵
部尚書先時相度畱都險要分水陸兵首尾聯絡俾
江南北免倭寇荼毒皆鏊力也

曾鈞

鈞字廷和進賢人嘉靖十一年進士始仕大行擢南
垣歷本省右布政終刑部侍郎剔歷中外三十年遺
愛遐思所至若一而奇氣峻節海宇仰之卒贈刑部

周書

卷之四十六

文滄

三

洪正

尚書謚恭肅

談愷

愷字守教無錫人嘉靖五年進士授戶部主事以山東按察使陞福建右布政所在職舉累兵部右侍郎兼僉都御史移鎮兩廣蕩平閩寇都察院右都御史終官愷閱爽敏練久官戶部版厝錢穀之數灑灑如指掌曉暢兵事臨敵遣將親授成筭羽書雲布悉自手出

朱鴻漸汪宗元

宗元崇陽人嘉靖己丑進士仕為副都御史矣柄臣

嵩曠其不附已謫為福建叅政尋轉右布政使外禦倭寇內察民瘼復三運八運法歲省民金萬餘釐其賦為正辦雜辦檄汀建諸鹽商使畫疆而粥又檄南臺洪塘去其互稅鹽利以興商不告病轉江西左布政終通政使致仕

姜恩

見左布政

楊應奇趙維垣

見左布政

萬虞愷楊伊志王國

禎游震得廬夢陽陳大賓

見左布政

塗澤民劉光濟

右嘉靖中任

劉佃劉子興

子興字賓之海陽人嘉靖二十年進士起家臨海令

歷閩臬藩端介慎事俸入外不他多一錢轉粵西左
轄致政歸行李蕭然

周賢宣

賢宣萬安人知延平山寇蘇傳等倭亂流劫督兵敗
之浙兵經延偶爲變衝入府闔城驚擾宣獨坐宴然
呼頭目嬰撫之頃時卽息擢副使漳南道勦滅山海
巨寇創建海澄寧洋二縣及移南靖城以貽安利陞
本省右布政使與縉紳諸生爲講學之會

右隆慶中任

熊琦劉侃劉繼文朱奎吳文佳舒應龍

見左

吳一瀾

張楚城蔡汝賢陶大順

見左

陳文燭

文燭字玉叔沔陽人嘉靖四十四年進士弱冠脩古
與吳國倫王世懋相善嘗治淮陽有聲歷閩臬藩皆
稱以文飭治仕終大理卿

帥蘭張偲

偲新建人隆慶二年進士歷官有清節仕至都御史
巡撫貴州

費堯年張孫繩王之屏

之屏字汝憲潁州人嘉靖中進士起家永嘉縣累官
福建布政使正大嚴明廉介自勵

劉子孟雷朱運昌見巡撫陳性學

性學字所養諸暨人歷官福建按察使晉右布政為

人寬和撫下有恩延接士大夫以禮時值稅使入境

人心洶洶性學多方調停民既不擾稅使又蒙其成

遂薦之為時議所短其實閩陰受其賜臺省莫知也

徐學聚見巡撫徐應奎袁一驥見巡撫陳邦瞻

瞻字 高安人博瞻文詞好善如不及在官民藉

寧一兵部侍郎終官

寶子侂見左布政使

右萬曆中任

左叅政

瞿莊

莊有文學仕叅政時當設官之初以刑部尚書與唐

俊出任此時尚以右為尊俊為先莊次之

魏鑑

鑑洪武九年與瞿莊同時為左右叅政有吏犯法寘

之極刑

太祖特賜璽書曰朕觀上古天下之

治亂在於君臣能馭不能馭爾若君能則馭臣下以

禮法臣能則馭吏卒以體上治繇此矣若君罔知所

以馭臣下臣下亦無知以繩吏卒亂繇此矣或云吏

卒小人何預治亂雖小人也施小詐偽動傷國政所以始亂若吏卒守分民無枉擾則民悉安所以朕嘗下令入於條章若吏卒背理違法繩之必地正欲使上官馭之以禮次嚴以法令布久矣人皆貪官動爲下持所以國政無施下民受枉朕竊恨焉九年秋丞相奏福建兩叅政致極刑於一老吏朕聞當哉若不如此律者數加筆死有何他論故往諭之今後勿令欺侮方稱是官後守制家居言太祖廉其居官廉潔復賜米六十石鈔二十五錠爲守服之用

蔡哲

哲字思賢武昌人仕陳友諒來歸授江西行省理問陞右司郎中命往贛州招諭熊天瑞遂遣子入朝擢哲中書省叅政命往蜀報僞夏明昇聘哲因挾畫史同往圖其山川險要因言昇可伐卒用其策改四川僉事尋進福建叅政瀕行 太祖諭之曰君子

立身行已辯義利夫義者保身之本利者敗名之源福建地瀕大海民物富庶番舶往來私市者衆往時官吏多計利陷罪今命卿往必堅所守哲對曰臣以菲薄叱承恩命敢不盡公圖報 太祖曰公卽無私義之謂也私卽無公利之謂也胸中如止水明

鏡毫無意累然後揆事度物廓然無滯微有芥蒂卽
不得公卿宜勉哉哲至官廉明自持以正風俗合人
心爲要未幾復召還爲御史

王鈍

鈍字士魯太康人洪武十年舉秀才授主客主事後
復舉明經授大名通判屢遷福建叅議叅政寬慎廉
介民懷其惠坐轉漕不給當罷特宥召遣持節諭撫
麓川平緬却其贈金或曰夷且疑貳奈何鈍受之悉
輸雲南省藏還陞浙江左布政使建文初陞戶部尚
書靖難兵至鈍踰城走

成祖召見曰爾向輔

建文間朕骨肉今何顏耶鈍頓首謝命致仕月給尚
書半俸

阮崇禮高暉呂崇藝

呂一作吳

右洪武中任

房安

安汝陽人洪武中繇國子生擢北平僉事歷江西按
察使永樂初謫戍興州召爲監察御史陞本省左叅
政其後以工部侍郎出叅山東藩坐爲同官魏英所
誣謫戍交趾得白改四川叅政安嚴爲治撫良善糾
貪墨郡縣肅然

張貫

貫靈璧人洪武中由太學生擢北平左叅政歷江西四川福建所至寬簡為治坐事左遷直定知府尋陞順天府尹

楊景衡

景衡永嘉人永樂中鄉薦以吏部郎出為福建叅政成祖北征用輔臣薦命總督糧餉既班師復任臨軒慰諭之日聞閩人望汝如渴急往無怠後以老乞致仕年八十餘卒景衡寬厚平恕識達治體居官八考在閩中垂三十年

禮王平

平新繁人洪武中以御史遷河南僉事行部孟津宜陽屬吏有謀以貨撓法者平以狀聞特勅褒獎陞本省叅政累官右都御史

祖述錢祖彭森

森字伯森南海人有文藝援筆輒萬言中永樂甲午鄉試第一明年登進士授監察御史陟福建叅政始未第時聘同里女微矣及得解其家以窶辭且曰弱息貌寢不可事官人森竟成婚黃佐謂其居官無間而以盡倫方劉廷式



右永樂中任

彭脊顏澤

澤江陰人爲福建叅政以母喪去官民二百餘乞留
干按察司按察司以聞 宣宗曰方面非親民
之官而民不忍其去必有惠政及人可令還職以副
所望

張璘

璘字文玉黃岡人永樂中進士歷官山東叅政改山
西調福建所至恤民以考最陞應天府尹廉潔幹濟
不屈中官雖讒說殄行終不能阻

胡虞

虞德州人由國子生歷事內庭擢工科給事中爲

仁宗所知擢右副都御史宣德初採木巴蜀以
貪虐安置遼東已會恩赦復職 宣宗曰都御

史受賍罪當加常人但恩例不欲失信姑降之外任
改授本省右叅政虞至遂能自新奉法嚴謹而蒞事
寬大

右宣德中任

楊盛宋彰

別見吳高

高字志高歸善人宣德八年進士以刑部郎出爲福

建叅政好學能文宣德人年七十以無功免職
陳城周禮王士華

右正統中任

許仕達規巡李顯

顯字思誠博羅人正統元年進士景泰間僉福建按察司事公明有斷陞叅政提督海道興化有豪家隸戎籍連姻衛帥怙勢武斷顯部置之法遷山東布政天順四年歲當朝覲詔簡天下官政行超卓者得十人顯與焉賜金織襲衣宴于禮部仕終工部右侍郎
張斌見左劉讓葉萱

右景泰中任

徐敬杜寧

寧天台人宣德二年會試第二人授編脩正統中典會闈得岳正黜落中驚歎曰此前輩中人遂擢第一人服其鑒歷南兵部侍郎天順初坐與于謙厚調福建左叅

李昂

昂字文舉仁和人景泰三年進士以兵部郎出知青州府年始三十有一將滿去民狀政績三十四事上於巡撫大臣願留終惠俄陞福建右叅政旋補左民

周書

卷之四十一
文蒞

七

郭文

刻像表海亭列邑皆置祠或有冤不得伸者輒走祠
下懇之累都察院右副都御史

右天順中任

趙崑鍾清陳賓徐貫應顯

顯字文明淳安人正統十年進士授監察御史已巳

之變閩礦寇亂命顯捕治之復調湖廣按察僉事征

蠻撫捕具著勞勩轉福建副使叅政顯敦厚廉謹謙

退弗炫剔歷中外四十年所至軍民悅服縉紳推重

陳穢

穢字仲方番禺人天順八年進士授南戶部主事以

介持為王恕所稱歷福建叅政巡歷所至吏不容奸

晉廣西右布政

俞俊劉孟熊達

達字達章南昌人成化十四年進士為溧陽令尋擢

御史劾道士崔志薦名儒章懋張元禎陳獻章遷本

省叅政坐忤逆瑾致仕值逆濠構亂以死自守卒免

于禍

王子言李雲

見右布政

右成化中任

羅列陳策

國朝

卷之八十四

文蒞

辰

曾玉

列南海人弘治進士以南御史出守漳州老成靜重
不察而斷南沼豐黃四羅大師納亡命時出抄掠雲
霄間列率兵臨六擒其魁獲黨二百五十脅從者撫
治之遂以功陞叅政

策字嘉言無錫人弘治六年進士授戶部主事歷本
省左叅政汀漳寇熾鎮巡舉策往征道經同安巨寇
蘇世浩勢尤猖獗策首降之携至汀漳汀漳寇氣奪
榜到爭先降附策因撫諭之曰吾欲返爾田宅予爾
親戚爾顧欲肉猥鴟鴞乎衆稽首曰昔人禦詐今公
推赤知當命盡敢以死願策皆遣之汀漳按堵如故

省城軍士有因前政給糧而唱譁如叛狀者達
官里居三人沮之未信曰必得陳叅政榜文策虞反
側未卽給也惟以利啗其黨而喚之渠魁旣得餘悉
弗問城中無急策念民苦急徵軍樂蚤支亂是之繇
復疏請歲畱餘銀九萬以備軍自是糧給弗缺遷江
西右布政

宋冕

見左布政

魏蔡

蔡字喬新建人父默爲光澤令蔡弘治十八年進
士以吏部郎中叅政閩藩時古田盜周馬良等巢穴
巖谷縱掠旁近或獻議臺使曰杉洋盜藪也屠之使

無所舍蔡曰杉洋千家豈有盜耶渠魁未獲可毒無辜臺使感其言屬蔡經畧蔡至勒兵守要害徐遣父老諭盜曰首亂者周馬良也能擒馬良餘悉罔治盜大喜縛馬良詣軍遂許解散御史上蔡功進俸一級遂畱鎮古田頃之流賊入界蔡適自古田行旁小縣縣令暮出不還召簿尉責之曰縣小無城賊奄至曷禦之簿尉頓首蔡廼勒市民健者二百人銜枚夜伏約鼓為號夜半賊果來鼓作伏起擊殺數十人餘皆奔潰生捕一人訊其黨與姓名連夜躡捕了無遺者自是終蔡任流賊無敢入界吏民繪像祠之晉左叅政其後蔡子良貴以大理評慮囚閩中古田民間廼公無恙則知蔡捐館久矣相與哀哭于祠下

查約見左布政徐問

問字用中嘉定人弘治十五年進士以廣平推官歷知登州臨江二府累轉本省叅政論事侃直出身任利害講求禮樂以挽頽風人推先進之遺仕終南戶部尚書贈太子少保

右弘治中任

吳昂見右布政崔桐

桐海門人正德十二年進士吏聲甚著累遷禮部右

侍郎

何鰲

見右布政

右正德中任

黃宗明

宗明字誠甫鄞人正德九年進士授南兵部郎上防寧庶人策諫南巡嘉靖初與議大禮多所建明歷福建鹽運使召脩明倫大典陞光祿卿應詔言四事

世宗為之霽威仍出叅閩政終禮部侍郎宗明

邃於文詞與霍文敏講王文成學

陳子直張時徹

時徹字惟靜鄞人嘉靖二年進士授南曹郎與呂柟鄒守益顧夢圭相切劘改督學副使江西中忌者罷歸未幾起備兵臨清轉福建叅政福建郵更無準豪者虎而瞰其鄉為度些筭占徭作定費出一登諸籍歲按行之汀民胡賤仔孩而孤宗人利其貲誣賤仔尺籍子也賄主者名攝賤仔賤仔積不白時徹偵賤仔有母詰之母初恚其主母奪嫁已匿不吐覆用左語旋折之迺得其實閩人大服終南兵部尚書時徹為人端重驟見嚴駟難近少選坦俞款洽遇事敏而密於理用健決為快所歷官盡吏事而更畢驚墳雅

垂老不休

顧望圭

見按察使

李香

香字汝蘭分宜人正德十五年進士授工刑二部郎

出僉事廣東備兵高肇奇績甚多擢山西雲南副使

本省參政勵廉正嚴關防清吏胥慎出納風望崇茂

仕終大理卿

馬坤

終南戶部尚書

劉富李遂

遂字邦良豐城人嘉靖五年進士以行人禮部歷本

省參政才猷霍赫綽有令聞後以忤權遭擯落仕終

南兵部尚書徐文貞稱遂藏蓄如深山巨川不可測

識變化如蛟龍不可指擬舉而措之如和風甘雨疾

雷迅電交發而互至

汪大受張臬

臬字正野進賢人嘉靖五年進士授刑部主事歷山

東參政解送試錄犯諱謫靈川典史後歷陞本省參

政終兵部侍郎總督閩廣右都御史綽有時名

王璣

璣字在叔西安人嘉靖八年進士從王文成學以兵

科給事中歷陞福建左參政所至道誼見推終右僉

都御史璣容貌魁偉言動詳慎望之如崇山巨嶽嘗

言平生無過人惟出處自覺分明未嘗少有降屈

汪宗元見右熊洛見右

洛字景之南昌人嘉靖十一年進士歷佐閩藩臬有

政聲官終府尹平生不附權倖不謁政府操持足尚

也

朱徵萬衣許應元翁時器塗澤民楊準

右嘉靖中任

熊琦陰武卿

武卿字達夫內江人舉省試第一嘉靖三十五年進

士以南部起家累本省左叅政政行超卓與叅將俞

大猷有平倭功終南兵部尚書數陳邊事悉當廟謨

武卿詳整嚴密動止有尺寸至遇大事決大疑取裁

一心不少凝滯

右隆慶中任

宋豫卿楊芷馬顧澤王元敬郭孝顧褒王世懋

世懋字敬美太倉人尚書忬之子而尚書世貞弟也

嘉靖三十八年進士自南禮曹即歷閩臬提督學政

大試期逼星馳校士數月畢事座主同年子一無所

私鄉舊有仕閩中者為人求請並不徇從其所評隲

文品確核精當甚至肖其平生見者駭以服作習說

示新舉子使破習俗習氣之陋以幾聖賢德

輩事功俄進左叅政分守福興盈庭之訟決

有所譏駁卽老吏莫敢措手若素習吏事而不

文學名仕終大常少卿卒

費堯年馮孜鄒墀胡心得徐卽登

卽登字獻和豐城人萬曆十一年進士先以副使提

督學政內和外嚴不戒而肅講學於李豐城之門爲

高第

楊德政王道增石崑王金忠士洪世俊

世俊字 歙縣人萬曆進士初爲同安令淳龐若

赤子以慈愛爲治而禮法教人寬然長者也太常寺

卿終官

右萬曆中任

圖書

卷之四十六

四

三十七

圖書印

寛政戊午

